

本經逢原

卷四

人 禽 魚 虫

部 部 部 部

獸 介 龍

蛇

部 部 部

本經逢原卷四

清 長洲石頑張璐路玉父纂述

以柔安世

男

訥遜言

叅訂

日本 大泉長菴前田安宅子仁

再訂

男

典子守

蟲部

蜂蜜 甘平無毒。入調補藥用白蜜。瀉火藥用赤蜜。味酸者不堪入藥。不可與生葱獨蒜萬苜同食。令人下利。凡煉蜜炭火慢煉。掠去浮沫。至滴水成珠為度。煉成每觔入陳酒四兩。再熬沸。和藥為丸。則藥力易化。本經主心腹邪氣。諸驚癇瘖。安五藏補不足。益氣補中。止痛。

解毒除衆病。和百藥。久服強志輕身。不饑不老。  
發明蜂采無毒之花醞釀而成。生則性涼清熱。故能治心  
腹之邪氣。熟則性溫補中。安五藏諸不足。甘而和平。故能解  
毒。柔而潤澤。故能潤燥。緩以去急。故能主心腹肌肉瘡瘍之  
痛。仲景治陽明結燥。大便不通。用蜜煎導法。取其能通結燥  
而不傷腸胃也。凡滋補藥。俱用煉白蜜丸。取其和脾潤肺也。  
赤蜜味酸。食之令人心煩。惟降火藥用之。白蜜雖補脾肺。然  
性涼潤。脾胃不實。腎氣虛滑。及溼熱痰滯。胸痞不寬者。咸須  
忌之。故瓊玉膏用糖霜。枳朮丸用荷葉裹飯。佐金丸用米飲。  
牛黃丸用蒸餅。黑錫丹用酒麴。慈珠丸用神麴。虎潛丸用酒。  
香連丸用醋。茸珠丹用紅棗。滾痰丸用水泛。各有所宜。今人  
修製丸劑。槩用蜂蜜。殊失先哲用方之義。

蜜蠟 淡平無毒。

本經主下痢膿血補中續絕傷金瘡益氣不饑耐老。發明 蜜成於蠟萬物之至味莫甘於蜜莫淡於蠟得非厚此薄彼耶。仲景治痢有調氣飲千金治痢有膠蠟湯蓋有見於本經之義也。淡爲五味之本胃爲五藏之源故能補中續傷蓋有得於太極也。甄權治孕婦胎動下血不絕欲死以雞子大一枚煎三五沸投美酒半升服立瘥又能解毒故蠟礬丸用之爲君。華陀治下痢食入卽吐用白蠟方寸匙雞子黃一枚石蜜苦酒髮灰黃連末各半雞子殼先煎蜜蠟苦酒雞子四味令勻乃納連末髮灰熬至可丸乃止。二日服盡神効。露蜂房 苦鹹平有毒。本經主驚癇瘈瘲寒熱邪氣癩疾鬼精蠱毒腸痔火熬之良。

發明 露蜂房陽明藥也。本經治驚癇癩疾。寒熱邪氣。蠱毒腸痔。以其能祛滌痰垢也。瘡瘍齒痛。及他病用之者。皆取其以毒攻毒殺蟲之功耳。

蟻蚱

一名果羸。細腰蜂也。

辛平小毒。

本經治久聾欬逆毒氣。出刺出汗。

發明 詩言螟蛉有子。果羸負之。言細腰之蜂。取青蟲之子。

教祝變化成子也。大明治嘔逆。生研能罾竹木刺。即本經出

刺出汗。取其毒之銳。以出其刺也。

蟲白蠟

甘温無毒。

發明 蠟樹屬金。性專收斂。堅強之氣。其葉能治瘡腫。蟲食

其葉而成。與桑螵蛸無異。為外科之要藥。取合歡皮同入長

肉膏中神効。今人治下疳服之。未成即消。已成即斂。以半兩

入鯽魚腹中煮食。治腸紅神効。

紫釗

即紫草茸

甘鹹平小毒

發明

紫釗乃騏驎竭樹上蟻壤聚其脂液而成。與蜂釀蜜

無異。出真蠟為上。波斯次之。古方治五藏邪氣。金瘡崩漏。破

積血。生肌止痛。今人專治痘瘡。有活血起脹之功。無鹹寒作

瀉之患。其功倍於紫草。故以紫草茸呼之。實非紫艸同類也。

五倍子

即川文蛤

苦酸鹹平無毒。產川蜀如菱角者佳。法釀過

名百藥煎。每五倍末一觔。入桔梗甘草真茶各一兩為末。入

粳糟二兩。拌和置糠中窰。待起如發麩狀。即成矣。作餅晒乾

用。

發明。川文蛤善收頑痰。解熱毒。黃昏欬。乃火氣浮於肺

中。不宜用涼藥。宜五倍五味斂而降之。若風寒外觸暴欬。及

本經卷四 蟲部 紫釗 五倍子 桑螵蛸 三 思得堂藏

肺火實盛者禁用。以其專收而不能散也。故痰飲內盛者誤用。則聚斂於中。往往令人脹閉而死。為末收脫肛。及子腸墜下。○百藥煎性浮。味帶餘甘。治上焦痰嗽熱渴諸病。含嚙尤宜。煨過主下血。烏鬚髮。消腫毒。斂金瘡。治喉痺口瘡。搽之便可進食也。

桑螵蛸 甘鹹平無毒。桑枝上螳螂子也。火炙黃用。

本經王傷中疝瘕。陰痿益精生子。女子月閉腰痛。通五淋。利

小便水道。

發明 桑螵蛸肝腎命門藥也。功專收瀉。故男子虛損腎衰

陽痿。夢中失精。遺溺白濁。方多用之。本經又言通五淋。利小

便水道。蓋取以泄下焦虛滯也。桑螵蛸散。治小便頻數如稠

米泔。心神恍惚。瘦悴食少。得之女勞者。方用桑螵蛸遠志龍

骨菖蒲。人參。茯苓。當歸。龜甲各一兩。卧時人參湯調下二錢。如無桑樹上者。以他樹上者。濃煎桑白皮汁佐之。若陰虛多火人誤用。反助虛陽。多致洩赤莖痛。強中失精。不可不知。生研爛塗之。出箭鏃。

雀甕

一名蝓。蝓。俗名載毛。

甘平小毒。

本經主寒熱結氣。蠱毒鬼症。小兒驚癇。發明雀甕蝓。蝓殼也。其蟲夏生葉上。背上有刺螫人。故名載毛。秋深葉盡欲老。口吐白沫。凝聚漸硬。在中成蛹如蠶。至夏羽化而出。其形有似蜻蜓而翅黑稍濶。放子葉上而生。蝓。謂雀甕者。以雀好食其蛹也。入藥惟取石榴樹上者。連蛹炙焙用之。蘇頌曰。今醫家治小兒驚癇。用雀甕子連蟲。同白蠟。蠶全歇各三枚。微炒搗末。煎麻黃湯調服。一字。日三服大。



效。藏器治小兒撮口不得飲乳。但先務日傷見血。以雀糞打破。取汁塗之。

原蠶蛾

鹹温小毒。取未交雄蛾。紙封焙乾。并椒密藏。則不

蛀。

本經主心腹邪氣。起陰痿。益精氣。強志生子。好顏色。補中輕身。

發明

蠶之性稟淫火。力專助陽。其子在臘月中。非以重鹽

鹽透。水漬曝乾。則繭不能繰絲。出子之後。非桑不食。本經主

心腹邪氣。皆桑之餘力。猶蠶蠶之治風痰。蠶繭之療癰腫。蠶

沙之去風溼耳。其起陰痿。益精氣。強志生子。卽別錄之益精

氣。強陰道。交精不倦。亦能止精。若合符節。好顏色。令人而色

好之互辭。補中輕身者。以其善補真陽。陽主輕捷故也。詳參

經旨。洵為原蠶。主治無疑。奈何集本草者。悞列。楞雞之下。敢力正之。

白殭蠶。鹹。辛。平。無毒。色白者良。入藥。惟取直者為雄。去黑口及絲炒用。

本經主小兒驚癇。夜啼。去三蟲。滅黑黥。令人面色好。男子陰瘍病。

發明。殭蠶之病風者也。功專祛風化痰。得乎桑之力也。本經治驚癇。取其散風痰之力也。去三蟲。滅黑黥。男子陰瘍。取其滌除浸淫之溼。三蟲亦淫熱之蠹也。凡咽喉腫痛。及喉痺用此。下咽立愈。其治風痰結核頭風。皮膚風疹。丹毒疥癩。疔蝕金瘡。疔腫風疾。皆取散結化痰之義。

蠶繭 甘温無毒。

發明 蠶繭治癰腫無頭。燒灰酒服。次日即破。煮湯治消渴。

繅絲湯及絲綿煮汁。功用相同。

蠶退即馬明退 甘平無毒。即老蠶眠起所蛻皮。入藥微炒用。今

以出過蠶之紙為馬明退。非也。

發明 蠶非桑葉不生。得東方水氣之全。故能治風病血病。

而蛻治目中翳障。較之蟬蛻更捷。惜乎一時難覓。

蠶沙 甘辛溫無毒。微炒用。

發明 蠶沙療風溼之專藥。有人病風痺。用此焙熟。絹包熨

之。治爛弦風眼。以麻油浸蠶沙二三宿。研細塗患處。過宿即

愈。蠶沙置酒罈上泥好。色清味美。然惟晚者為良。早蠶者不

堪入藥。以飼時火烘。故有毒也。

九香蟲 鹹溫無毒。

發明 九香蟲產貴州。治膈腕滯氣。脾腎虧損。壯元陽攝生方。烏龍丸用之。

雪蠶 即雪蛆 甘寒無毒。

發明 雪蛆生蛾。眉山北積雪。歷年不消。其中生此。大如瓠。

味極甘美。故能解內熱渴疾。方物中之最益人者也。

蜻蛉 蜻一名赤卒 微寒無毒。

發明 蜻蛉生水中。而能煖水藏強陰蓄精。而赤者性猶壯。

熱助陽藥用之。

樗雞 即粗娘子 苦平有毒。不可近目。去翅足。同糯米炒。去米用。

發明 樗雞厥陰經藥也。能活血散血。治目翳。撥雲膏中與。

芫青斑蝥同用。亦是活血散結之義。能通血閉。行瘀血。主療。

癰辟邪氣。療獾犬傷。治偏頭風。用紅娘子青娘子各七枚。去。

翅足。炒為末。同葱莖搗塗痛處。周時起泡去之。孫一奎治血

蠱。用抵當丸。以糯雞易水蛭。三服血下脹消。形神自復。與薛

新甫治水腫椒仁丸中芫青不殊。一走血而下。瘀一走氣而

破水。皆峻劑也。綱目以本經原蠶蛾主治。誤列於此。今正之。

芫青 即青娘子 辛溫有毒。去翅足。同糯米炒。去米用。

發明 芫青居芫花上而色青。故能泄毒攻積。破血墮胎。功

同斑蝥。而毒尤猛。芫花有毒。故也。其治瘋犬傷。消目翳。刮偏

頭風。塞耳聾。皆取其毒銳也。又治月閉水腫。椒仁丸方用之。

斑蝥 辛鹹溫有毒。去翅足。同糯米炒熟。或醋煮用之。

本經主寒熱鬼疰蠱毒。鼠瘻瘡。疽蝕死肌。破石癰。

發明 斑蝥人獲得時。尾後惡氣射出。臭不可聞。其性專走

下竅。利小便。故本經言破石癰。能攻實結。而不能治虛秘。不

過引藥行氣。以毒攻毒而已。但毒行小便必澇痛。當以木通滑石導之。其性猛毒。力能墮胎。虛者禁用。瘋犬傷。先於患人頭上拔去血髮二三莖。以斑蝥七枚。去翅足。灸黃。同蟾蜍搗汁服之。瘡口於無風處。搗去惡血。小便洗淨。髮灰敷之。服後小便當有瘀毒泄出。三四日後當有肉狗形。三四十枚為盡。如數少再服七枚。若早服雖無狗形。永不發也。其毒發於葛上亭長。辛溫有毒。去翅足。同糯米炒。去米用。發明。亭長大毒。善通淋。及婦人經脈不通。以五枚研末服三分。空心甘草湯下。須臾臍腹急痛。以黑豆煎湯服之。卽通。此蟲五六月為亭長。頭赤身黑。七月斑蝥。九月為地膽。隨時變化。其毒可知。

地膽 辛溫有毒。同糯米炒。去米用。

本經主鬼疰寒熱鼠癭惡瘡死肌破癥瘕墮胎。

發明地膽有毒而能攻毒性專破結墮胎又能除鼻中瘖肉下石淋功同斑蝥力能上涌下泄。

蜘蛛微寒有毒其種類不一惟用懸網者入藥。

發明仲景治陰狐疝氣偏有大小時時上下者蜘蛛散主之。以其入肝性善循絲上下故取以治辜丸上下之病。別錄治大人小兒癩疔。又治乾霍亂服之能令人利。其邪得以下泄也。搗汁塗蛇傷効。

壁錢無毒。

發明生壁間似蜘蛛而形扁其膜色白如錢故名。治鼻衄及金瘡出血不止取蟲汁注鼻中及點瘡上。同人中白等分。燒研治瘡。又治喉痺。

蠟。辛平有毒。被螫者以木梳合之。卽愈。去毒及足用。亦有獨用其尾者。其功尤捷。淡醋泡去鹹。炒乾用。

發明。蠟產於東方。色青屬木。治厥陰諸風掉眩。及小兒胎驚發搐。最爲要藥。左半身不遂。口眼喎斜。語言蹇澀。手足抽掣。癱疾寒熱。耳聾無聞。疝氣帶下。無不用之。蠟尾膏治胎驚發搐。用蠟梢二十一枚。麝香少許。屢効。東垣治月事不調。寒熱帶下。有丁香柴胡湯。方用羌活柴胡。當歸生地。丁香全蠟。益取以散血分之風熱耳。

水蛭。鹹苦平有毒。水蛭是小長色黃。挑之易斷者。勿誤用。泥蛭。頭圓身濶者。服之令人眼中如生烟。漸至枯損。凡用水蛭。曝乾。豬油熬黑。令研極細。倘灸不透。雖爲末。經年得水猶活。入腹尚能復生。凡用須預先熬黑。以少許置水中。七日內



不活者。方可用之。

本經逐惡血瘀血月閉。破血瘕積聚無子。利水道。

發明。鹹走血。苦勝血。水蛭之鹹苦以除畜血。乃肝經血分藥。故能通肝經聚血。攻一切惡血堅積。本經言無子。是言因血瘕積聚而無子也。別錄云墮胎。性劣可知。昔人飲水。誤食水蛭。腹痛面黃。飲泥漿水數碗乃得下。蓋蛭性喜泥。得土氣隨出。或用牛羊熱血。同豬脂飲亦下。或以梅漿水多飲。則蛭溶化而出也。

蛆。苦寒無毒。漂淨炙黃。搗細末。同糖霜食之。

發明。蛆出糞中。故能消積。治小兒諸疳積滯。取消積而不傷正氣也。一法用大蝦蟆十數隻。打死置罈內。取糞蛆不拘多少。河水漬養三五日。以食盡蝦蟆為度。用麻布紮住罈口。

倒懸活水中。令污穢淨。取新瓦燒紅。置蛆於上。焙乾。治小兒疳積。腹大脚弱。腎膜遮睛。每服一二錢。量兒大小服之。無不驗者。勿以其鄙而忽諸。

狗蠅

鹹溫無毒。

發明。狗蠅食狗血。性熱而銳。力能拔毒外出。故治痘瘡倒靨。色黑。脣口冰冷之證。以數枚。搗細。醅酒少許調服。門人規方也。

蟻

微溫有毒。

本經主惡血。血瘀痺氣。破折血。在脇下堅滿。通月閉。目中淫。膚青。腎白膜。

發明。蟻穴上而居。與蚯蚓不異。故本經所治。皆瘀血之證。金匱治虛勞瘀血。大黃廕蟲丸方用之。取其去脇下堅滿。

也許學士治筋急養血地黄丸中用之亦取其治血瘀也取汁滴日去醫障散血止痛千金研末敷小兒臍瘡加豬脂調治小兒唇緊經驗方治瘀傷腫痛肘後搗塗竹木刺蘇頌搗汁點喉痺得下卽開藏器塗遊風丹疹又治麥芒入眼以蟬螬在日上隔布摩之芒著布上卽出

桑蠹蟲 甘溫小毒色白帶黃而腹中無穢按之無水者爲真若頭硬而腹中不淨者卽雜樹內蠹也如一虱難覓真者則以莖毛殼煨灰存性代之

發明 桑蠹蟲食木柔能勝堅故治痘瘡毒盛白陷不能起發者用以絞汁和白酒釀服之卽起但皮薄脚散及泄瀉畏食者服之每致駁裂而成不救不可不慎千金治崩中漏下赤白桑蠹燒灰溫酒服亦治胎漏下血効



十九枚。去前截用後截爲末。分四服。鈎藤湯服之。卽止驚啼。加硃砂二字。若用上截。卽復啼也。小兒驚癇。夜啼。癇病寒熱。並用蟬腹。取其利竅通聲。去風豁痰之義。較蛻更捷。

蛻螂

鹹寒有毒。去足火炙用。勿置水中。令人吐。

本經主小兒驚癇。瘕瘵。腹脹寒熱。大人癲疾狂瘍。

發明

蛻螂手足陽明足厥陰藥也。本經等治。總不離三經。

之證。其治暴噎吐食。用二枚。入生薑內煨。以陳橘皮二錢。同

巴豆炒過。去巴豆。將蛻螂陳皮爲末。每服二分。吹入喉中。吐

痰二三。次卽愈。又治箭鏃入骨。用巴豆微炒。同蛻螂搗塗。痛

定必癢。忍之待極癢。不可忍。乃撼動拔之。又燒灰入冰片少

許。治大腸脫肛。搽上托入。搗丸塞下部。引痔蟲出。盡永瘥。其

蛻螂心。貼疔瘡。拔疔。貼半日許。血盡根出。則愈。然蛻螂最畏

羊肉食之即發。

天牛 甘温小毒。

發明 天牛乃木中蠹蟲所化。楊樹中最多。桑樹中獨勝。長

鬚如角。故有天牛之名。利齒善嚙。是有嚙桑之號。其性最銳。

取治疔腫惡瘡。出箭鏃竹木刺最捷。與螻蛄不殊。一嚙木而

飛一穴土而出。其穎脫之性則一如無齒桑。他樹上者亦可。

焙乾為末。蜜調傅之。

螻蛄 鹹寒小毒。去翅足炒用。

本經主產難。出肉中刺。去潰腫。下噎噎。解毒除惡瘡。

發明 螻蛄性善穴土。故能治水腫。自腰以前甚濇。能止大

小便。自腰以後甚利。能通大小便。取以治水最効。但其性急。

虛人戒之。本經治難產者。取其下半。煮湯服之。則下也。出肉

刺潰癰腫惡瘡者。生搗塗之。肉刺卽出。瘡腫卽潰也。下噎噎者。灸未艾之。噎噎卽下。非噎膈之謂也。千金治竒鏃入肉。以螻蛄杵汁。滴上三五度自出。延年方治胎衣不下。以螻蛄一枚。水煮數沸。灌下入發卽出。小兒臍風。螻蛄甘草等分。爲末敷之。効。

螢火

卽熠燿本經各夜光

辛温無毒。

本經明目。

發明 螢火本腐草所化。得大火之餘氣而成。入胞絡三焦。能辟邪明目。取其照幽夜明之義。務成子螢火丸。辟五兵白刃。虎狼蛇虺之毒。惡鬼疫癘之邪。龐安常亦極言其効。惜乎世鮮備用。

衣魚

卽蠹魚

鹹温無毒。卽衣帛書畫中之蠹。碎之如銀。有粉。

者是。

本經主婦人疝瘕。小便不利。小兒中風。項強背起。摩之。

發明。衣魚主中風項強。摩之即安。驚癇天呓。口喎淋閉。服

之即愈。皆手足太陽經病。乃神農本經之藥。古方盛用。今人

罕知。合鷹屎白殭蠶敷瘡癩滅。

鼠婦本經名。蜘蛛。即濕生蟲。酸鹹無毒。

發明。金匱治久瘧。鼈甲煎丸中用之。以其主寒熱。去瘀積

也。古方治驚癇血病多用之。厥陰血分藥也。千金治產婦遺

尿。以鼠婦七枚。熬研温酒服之。痘瘡倒靨。為末。酒服一字。即

起。又解射干蜘蛛毒。

麤蟲本經各鹹寒有毒。或去足炒用。或酒醉死。去足搗汁

用。



本經主心腹寒熱洒洒血積癥瘕破堅下血閉。

發明 麤蟲伏土而善攻隙穴傷之不死與陵鯉不殊故能

和傷損散陽明積血本經治心腹寒熱洒洒亦是積血所致

金匱大黃蠱蟲丸用水蛭蠱蟲取其破堅癥下積血且無實

結者勿用跌撲重傷焙乾為末酒服二錢接骨神效

亡蟲即蜚蠊苦微寒有毒即啜牛血蠅去翅足炒用

本經逐瘀血破血積堅痞癥瘕寒熱通利血脈九竅

發明 蟲食血而治血因其性而為用肝經血分藥也本經

治癥瘕寒熱是因癥瘕而發寒熱與蜣螂治腹脹寒熱不殊

仲景抵當湯丸水蛭蠱蟲雖當並用二物之純險懸殊其治

經閉用四物加蜚蠊作丸服甚良以破瘀而不傷血也苦走

血血結不行者以苦攻之其性雖緩亦能墮胎

蟾蜍 皮辛涼微毒。肉甘平無毒。捕取風乾。泥固煨存性用。其目赤嘴赤者有毒。○一種色青而生陂澤中者曰鼃。與此不同。

發明 蟾蜍土之精也。習土遁者。賴之。其形大而背多瘰癧者是。土性厚重。其行極遲。土生萬物。亦能化萬物之毒。故取以殺疔積。治鼠瘻。陰蝕疽癰。燒灰傅惡瘡並効。弘景治溫病發斑困篤。用以去腸。生搗一二枚。啜其汁。無不瘥者。治狗犬傷。先於頂心拔去血髮三四莖。卽以蟾蜍一二枚。搗汁生食。小便內見沫。其毒卽解。又破傷風用二枚。生切如泥。入椒一兩。同酒炒熱。入酒二盞。乘熱飲之。少頃通身汗出而愈。發背疔腫初起。以活蟾一隻。繫定放腫上半日。蟾必昏憤。卽放水。中以救其命。再換一隻如前。蟾必踉蹌。再易一枚。其蟾如舊。

則毒散矣。其金蟾丸。治腫脹腹滿。并治小兒疳勞。腹大脛細。方用大蟾一隻。以砂仁入腹。令滿。鹽泥固濟。煨存性。黑糖調服。一二錢。下盡青黃積糞。即愈。未盡過二三日再服。以腹減熱除為度。若糞不能濺注。而滴淋不前者。此元氣告匱。不可救也。

蟾酥 辛温有毒

發明 蟾酥辛温。其性最烈。凡用不過一分。齒縫出血。及牙疼。以紙紐少許。搥之即止。蟾酥丸治發背疔腫。一切惡瘡。拔取疔毒最捷。入外科有奪命之功。然輕用能爛人肌肉。

蟾蟞 甘寒小毒

本經主邪氣。破癥堅壅。腫陰瘡。服之不患熱病。

發明 蟾蟞蟾蟞同類異種。故其功用亦不甚相遠。服之不

患熱病。卽弘景治溫病發斑困篤之意。時珍言古方多用蟹  
蟄。近方多用蟾蜍。蓋古人通稱蟾爲蟹蟄。而蟹蟄不復入藥  
矣。

鼃

俗作蛙

甘寒無毒。

發明

時珍曰。鼃產於水。與螺蚌同性。故能解熱毒。利水氣。

但係溼生之物。其骨性復熱。食之小便苦淋。妊娠食蛙。令子

壽夭。小蛙多食。令人尿閉。臍下酸痛。播車前水飲之。可解。戴

厚禮云。凡渾身水腫。或單腹脹者。以青蛙一二枚。去皮炙熟。

食之。則自消也。嘉謨曰。時行面赤項腫。名蟹蟄瘟。以金線鼃

搗汁。水調空腹頓飲。極効。

蚪

蚪斗生水中。蟹蟄子也。有尾如魚。漸大則脚生尾脫。

因其所稟之毒未化。故藏器取治火熾熱毒。及腫瘍瘡。並搗碎傳之。或化水塗之。或配入敷藥中。竝効。又得効方。多用蜥斗陰乾。待桑椹熟。等分置瓶中。密封懸屋東。或搗汁浸。埋東壁下。百日化泥。取塗鬚髮。永黑如漆。

蜈蚣。辛溫有毒。火炙去足用。

本經主鬼疰蠱毒。噉諸蛇蟲魚毒。殺鬼物老精。除溫瘧。去三

蟲。

發明。蓋行而疾者。惟風與蛇。蜈蚣能制蛇。故亦能截風。厥

陰經藥也。嶺南有蛇瘡。項大腫痛連喉。用赤足蜈蚣二節。研

細水下卽愈。又破傷風欲死。研末擦牙邊。去涎沫立瘥。本經

言噉諸蛇蟲魚毒。悉能解之。萬金散治小兒急驚。蜈蚣一條。

去足炙黃。入硃砂輕粉乳汁爲丸。服少許卽安。雙金散治小

兒天弔。日久不下。口噤反張。蜈蚣一條。酥炙去頭足。入麝香為末。以少許吹鼻。至眼合乃止。若眼未下。再吹之。小兒撮口。刮破舌瘡。蜈蚣末敷之。千金治射工毒瘡。蜈蚣炙黃為末。敷之。小兒禿瘡。蜈蚣浸油搽之。直指方治痔瘡疼痛。蜈蚣炙末入片腦少許。唾調敷之。急救方治溫瘧。洒洒時驚。涼膈散加蜈蚣蠟尾服之。摘要治婦人趾瘡。甲內雞眼。及惡肉突出。蜈蚣一條。去頭足。焙研入麝香少許。去硬益。攤烏金紙。留孔貼上。一夕即効。如有惡肉。外以南星末。醋和傅四圍。其祛毒之功。無出其右。

蚯蚓即地龍

鹹寒。小毒。白頸者良。解熱毒。入鹽化水用。通經絡。炙乾用。

本經王蛇瘕。去三蟲伏尸。鬼疰蠱毒。殺長蟲。

發明 蚯蚓在物應土德。在星為軫水。體雖卑伏。而性善穴  
竄。專殺蛇蠱三蟲。伏尸諸毒。解濕熱。療黃疸。利小便。通經絡。  
故活絡丸以之為君。地龍湯治痘瘡脾腎虛熱。嬌紅五六日  
漸變乾紫。伏陷者。同葶薺搗和酒釀服之。即起。若乾紫色黯  
皮堅。為肝脾血熱。即宜犀角紫草黃連清解。非地龍所宜。溫  
病大熱狂妄。天行大熱。和人尿搗絞服之。熱毒從小便而去  
也。小便暴秘不通。亦宜用之。入葱化為水。療暴聾。

蝸牛 鹹寒小毒

發明 蛞蝓蝸牛。生下溼地。陰雨即出。至陰類也。治諸腫毒  
痔漏。制蜈蚣蠍蠹諸毒。研爛塗之。取其解熱消毒之功耳。其  
形尖小而緣桑上者。謂之緣桑贏。治大腸脫肛。和豬脂塗之。  
立縮。此贏諸木上皆有。獨取桑上者。正如桑螵蛸之義。

龍蛇部

龍骨 甘平無毒。粘舌色白者良。煨赤水飛用。飛之不細粘者腸胃。令人寒熱。

本經主心腹鬼疰。精物老魅。欬逆泄痢膿血。女子漏下。癥瘕

堅結。小兒熱氣驚癇。

發明 瀼可以去脫。龍骨入肝斂菟。收斂浮越之氣。本經主

心腹鬼疰。精魅諸疾。以其神靈能辟惡氣也。其治欬逆泄利

膿血。女子漏下。取瀼以固上下氣血也。其性雖瀼而能入肝

破結。癥瘕堅結。皆肝經之血積也。小兒熱氣驚癇。亦肝經之

病。得牛黃以協濟之。其祛邪伐肝之力尤捷。許洪云。牛黃惡

龍骨。而龍骨得牛黃更良。有以制伏之也。其性收陽中之陰。

尚走足厥陰經。兼入手足少陰。治夜夢鬼交。多夢紛紜。多寐

本經逢原卷四 龍蛇部 龍骨 龍齒 龍鱗 龍尾 龍鬚 龍鬣 龍鬚 龍鬣 龍鬚 龍鬣



泄精。衄血。吐血。胎漏。腸風。益腎鎮心。爲收斂精氣要藥。有客邪則兼表藥用之。故仲景治太陽證。火劫亡陽驚狂。有救逆湯。火逆下之。因燒針煩躁。有桂枝甘草龍骨牡蠣湯。少陽病誤下驚煩。有柴胡龍骨牡蠣湯。金匱治虛勞失精。有桂枝加龍骨牡蠣湯。千金方同遠志酒服。治健忘心忪。以一味蜜丸。硃砂爲衣。治勞心夢泄。梅師同桑螵蛸爲末。鹽湯服二錢。治遺尿淋瀝。又主帶脈爲病。故崩帶不止。腹滿。腰溶溶。若坐水中。止瀉藥中加用之。止陰瘧。收溼氣。治休息痢。久痢脫肛。生肌斂瘡。皆用之。但收瀉太過。非久痢虛脫者。切勿妄投。火盛失精者。誤用。多致溺赤瀉痛。精愈不能收攝矣。

龍齒。潛平無毒。煨赤醋淬七次。水飛用。形如筆架。重數兩外。光澤如鏡。碎之。其理如石。內如龍骨。舐之粘舌者真。亦有

微黑而煨之色如翡翠者。爲蒼龍齒。較白者更勝。其小如笋尖。或如指狀者。海鯨齒及骨也。叢生如貫衆根者。海馬齒也。舐之亦能粘舌。世多以等類僞充。不可不辯。  
本經主殺精物。大人驚癇諸瘧。癩疾狂走。心下結氣。不能喘息。小兒五驚十二癇。  
發明 龍者東方之神。故骨與齒皆主肝病。許叔微云。肝藏寬。能變化。故遊魂不定者。治之以龍齒。古方有遠志丸。龍齒清寬散。平補鎮心丸。皆收攝肝氣之劑也。又龍骨以白者爲上。取固上氣以攝下脫。齒以蒼者爲優。生則微黑。煨之翡翠可愛。較白者功用更捷。產後血暈爲要藥。取其直入肝藏也。予聞神龍蛻骨之說。初未之信。及從藥肆選覓龍齒。見其骨有變化未全者。半與牛骨無異。始知宇宙之大。無所不有。卽

如蟲之屬。皆能蛻形化體。豈特雲龍風虎而已哉。龍稟東方純陽之氣。故能興雲致雨。東方木氣。主乎生也。其耳獨不司聽者。陽神別走於角也。春夏發現而秋冬潛伏者。隨陽氣之鼓舞也。虎稟西方陰暴之性。故嘯則生風。西方金令主乎殺也。其項獨不能仰者。陰威併振於尾也。晝潛伏而宵奮迅者。乘陰氣之暴虐也。以是推之。則虎骨能搜風氣。健筋骨。療疼重。睛能定人魄。魄者陰之精也。龍骨能蓄精氣。收神識。止滑脫。齒能清人魂。魂者陽之神也。然龍性飛騰而骨獨粘者。正以其滯而欲蛻之。始得飛冲御天。非飛冲後而蛻其骨也。觀本經驚癩癩疾結氣。甄權鎮心安魂。鬼等治。總皆入肝。斂魂。用以療陽神之脫。同氣相求之妙。許叔微云。肝藏魂。能變化。故魂遊不定者。治之以龍齒。時珍曰。龍者東方之神。故其

骨與齒皆主肝病。

龍角 甘平無毒。

發明 龍稟東方木氣。而角又督脈所發。故治驚癇瘈瘲。神

菟不寧。龍火上逆。身熱如火。及邪魅不詳。深師五邪丸用之。

而千金治心病。有齒角同用者。

鼈甲 本經名 酸微温小毒。

本經治心腹癥瘕伏堅。積聚寒熱。女子小腹陰中相引痛。崩

中下血五色。及瘡疥死肌。

發明 本經鼈甲所主之證。多屬厥陰。其功在乎肝木。治血

殺蟲。與鼈相類。亦能治陰癰。千金有鮑甲煎。今藥肆多懸之。

云能辟蠱。亦殺蟲之意。

陵鯉甲 俗名穿山甲 鹹微寒小毒。或酥炙。或黃土。或蛤粉炒。發

鬆研用尾甲更勝。

發明 穿山甲入厥陰陽明及陰陽二蹻。通經下乳。瘧疾癰腫。發痘爲要藥。蓋其穴山而居。寓水而食。出陰入陽。能竄經絡。達於病所。凡風溼冷痺之證。因水溼所致。渾身上下。強直不能屈伸。痛不可忍者。於五積散內加穿山甲七片。全蠍炒十個。葱薑水煎。熱服取汗。避風甚良。癰疽潰後不宜服。

石龍子

鹹溫小毒。綱目作鹹寒。誤。產平陽山谷。荆襄等處。

其類有四。一種生岩石間。頭扁身長。尾與身等。長七八寸。大者尺餘。其狀若蛇。而脚似梅花。鱗目五色者爲雄。色黃身短者爲雌。此物最惜鱗甲。故見人不動。捕之亦不螫人。以其生岩石間。故本經謂之石龍子。以其善於變易。吞霧吐雹。有陰陽析易之義。故字林謂之蜥蜴。楚人名爲蠖蠖。實一物也。人

藥雌雄並用。去頭足。酒浸酥炙用之。入傳屍藥。醋炙用之。一種生草澤間。頭大尾短身粗。其色青黃。有傷則啣草自敷。故謂之蛇醫母。能入水與石斑魚合。故又名水蜥蜴。不入藥用。一種生人家屋壁。形小身細。長三四寸。色褐斑黑者。謂之蠖。吳俗名爲壁虎。以其居壁而善捕蠖蠅也。或云飼之以朱點宮娥臂。故名守宮。一種似守宮而頭圓身細。長五六寸。色白如銀。通身細鱗。雌雄上下相應而鳴。情恰乃交者。蛤蚧也。荆襄嶺澤皆有。而西川產者最勝。捕得成對。線纏炙乾。捲搭樹皮中者是也。以此明辨。方無悞用之失。

發明石龍子爲本經中品。而綱目主治中。有別錄而無本經。豈本經之文有所殘缺歟。抑本經之文。誤註別錄歟。其治五癰邪結氣。利小便水道。破石淋下血者。以蜥蜴能吐竈所

雨。故治癰淋利水道。是其本性。千金治癥結水腫。屍疰留飲。有蜥蜴丸。外臺治陰積方用之。皆取其長於利水道耳。按蜥蜴卽是石龍。今房術藥中用之。以其興發助陽而無止滯之患也。

守宮

一名蜾蜊  
俗名壁虎

鹹寒小毒

發明。守宮食蠹。蠹乃治風要藥。詳守宮所治風疰驚癇諸病。猶蜈蚣之性能透經絡也。且入血分。故又治血病瘡瘍。以毒攻毒。皆取其尾善動之義。麻城移痘方。治痘出眼目及正面稠密。用以移痘於不傷命處。其效最捷。觀術士以守宮尾杵爲細末。彈熟肉上。其肉便翕翕蠕動。移痘方得非從此悟出。陶弘景云。蜾蜊喜緣籬壁間。以殊飼之。滿三觔。殺乾末。以塗婦人臂。有交接事便脫。故名守宮。蘇恭曰。飼殊點婦

人臂。謬說也。張華言必別有術。今不傳矣。時珍曰。守官祛風石龍利水。功用自別。不可不知。

蛤蚧 甘鹹溫小毒。生嶺南城垣榕樹間。及粵西橫州等處者。長七八寸。蜀中產者。不過五寸。頭圓肉滿。鱗小而厚。形似守官。鳴則上下相呼。雌雄相應。情恰乃交。兩相抱負。自墮於地。人往捕之。亦不知覺。以手撈之。至死不開。取以曝乾。爲房中要藥。卽尋常捕得者。功用亦相髣髴。但驗其囫圇成對。捲榕樹皮中者。卽真無疑。入藥去頭留尾。酥炙用之。口含少許。疾走不喘者。是其益氣之驗也。

發明 蛤蚧味鹹歸腎經。性溫助命門。色白補肺氣。功兼人參羊肉之用。而治虛損痿弱。消渴喘嗽。肺癆吐沫等證。專取交合腎肺之氣。無以逾之。愚按蛤蚧龍子。性皆溫補助陽。而



舉世藥肆中。皆混稱不分。醫者亦不辨混用。龍子則剖開如皮。身多赤斑。偏助壯火。陽事不振者宜之。蛤蚧則纏束成對。通身白鱗。專溫肺氣。氣虛喘乏者宜之。虛則補其母也。

蛇蛻 鹹甘平小毒。火熬用之。

本經主小兒二十種驚癇。蛇癇。癩疾。瘕瘕。弄舌。搖頭。寒熱。腸

痔。蠱毒。

發明 蛇蛻屬巽走肝。故本經治小兒驚癇等病。一皆風毒

襲於經中之象。其入藥有四義。一能辟惡。取其性靈也。故治

邪辟鬼魅。蠱瘡諸疾。二能驅風。取其性竄也。故治驚癇癡駁。

偏正頭風。喉舌諸疾。三能殺蟲。故治惡瘡痔漏。疥癬諸疾。用

其毒也。四有蛻義。故治眼目翳膜。胎衣不下。皮膚之疾。會意

以從其類也。

蚘蛇膽

卽南蛇

甘苦寒小毒

發明 蚘蛇產嶺南。稟已土之氣。其膽受甲乙風木。其味苦。中有甘。所主皆厥陰太陰之病。其治心腹蠱痛者。蟲在內攻。嚙也。下部蠱瘡者。蟲在外侵蝕也。溼熱則生蟲。燥溼則殺蟲。內外施之。皆可取用。更能散腫消血。故直諫之臣。受廷杖者。臨時服少許。則血不凝滯於內。又能明目涼血。除瘡殺蟲。惜乎難得真者。

白花蛇

甘鹹溫有毒。產蘄州者良。禁犯鐵。凡用去頭尾。酒

浸酥炙。炭火緩焙。去盡皮骨。此物甚毒。不可不防。脇有方勝。

尾上有拂者真。

發明 蛇性竄能引藥。至於風痰處。故能治一切風病。其風

善行數變。蛇亦善行數蛻。所以能透骨搜風。爲大風白癩風。

風痺驚搐癩癬惡瘡要藥取其內走藏府外徹皮膚無處不  
 到也。陰虛血少內熱生風者非其所宜。凡服蛇酒藥切忌見  
 風。開罈時須避其氣。免致面目浮腫。凡癘風曾服過大楓子  
 仁者服白花蛇無效。蓋其性與此蛇甚毒不可不避。  
 烏梢蛇 甘平無毒。劍脊細尾者佳。忌犯鐵器。其性走風  
 發明 蛇性主風。而黑色屬水。故治諸風頑痺。皮膚不仁。風  
 瘙癢疹。疥癬熱毒。眉鬚脫落。癩癢等瘡。但白花蛇主肺藏之  
 風。為白癩風之專藥。烏蛇主腎藏之風。為紫雲風之專藥。兩  
 者主治懸殊。而烏蛇則性善無毒耳。其性主風  
 蝮蛇 肉大熱。膽微寒。並有毒。其性主風  
 發明 諸蛇皆是卵生。惟蝮蛇破母腹出。惡毒尤烈。故以蝮  
 名。其狀較諸蛇迥異。形短而粗。嘴尖鼻反。故又名反鼻蛇。有

頭斑身赤如錦紋者。有黃黑青黑而斑白者。皆蝮蛇也。有頭  
扁與土同色。而無紋者。土虺也。亦名曰虺。字形相類之誤也。  
時珍曰。蝮大虺小。其毒則一。枹朴子言。蛇類最多。惟虺中入  
甚急。卽時以刀割去瘡肉。投之於地。其熱如灸。須臾毒盡人  
乃得活。一種形如蜥蜴。長一二尺者。千歲蝮也。年久脚生。能  
跳上樹。嚙人。嚙已還樹。垂頭聽人哭聲。頭尾相類。大如搗衣  
杵。俗名望板婦。言被其嚙必死。專望板婦以備殮具也。蘇頌  
以細辛雄黃等分爲末。內瘡口中。日易三四次。又以栝萸根  
桂末著管中。密塞勿令走氣。佩之中。其毒者急敷之。野談翁  
方。急以黃荊葉搗爛敷之。上皆解救之法。然有用其毒以攻  
疾厄之毒者。別錄取蝮蛇肉釀酒以療癩疾。蝮蛇膽磨汁以  
塗蠱瘡。總取殺蟲攻毒之用耳。竊謂攻毒急救之藥頗多矣。

必藉此而為異端之術哉。姑存以備解救之法可也。

魚部

鯉魚 甘平無毒。其目能曉動者有毒。藥中有天門冬者勿

犯。天行病後勿食。

發明 魚性逆水而上。動關翹尾。其力最勞。且目不夜瞑。故

釋氏雕木象形。以警世之昏惰者。鯉性跳躍急流。故取以治

水腫之病。河間云。鯉之治水。驚之利水。因其氣相感也。黃痺

脚氣溼熱。孕婦身腫宜之。便血同白蠟煮食。腦髓治耳卒聾。

齒治石淋。膽治目赤腫痛。取汁點之。鱗治產婦滯血。燒灰治

吐血崩中。十灰散中用之。

鱣魚 本名鱣魚

甘温無毒。

發明 鱣魚多蓄池中。飼草而長。與青鱧混雜。故名曰鱣。江

湖亦皆有之。食品之長味也。時珍言。暖中和胃。此指池中蓄者而言。李廷飛言。能發諸瘡。此指湖中獲者而言。各有至理。膳味苦寒。能出一切竹木刺在喉中。以酒化二三枚。溫呷取吐卽出。

青魚無肉甘平。膽苦寒無毒。

發明 東方色青。入通於肝。開竅於目。故膽有點目治靨之

功。肉有補肝逐水之用。同韭白煮食。治脚氣疼腫。目睛生汁

注眼。能黑夜視物。以其好噉螺蜆。螺蜆能明目也。乾青魚膽。

水磨點喉痺痔瘡。與熊膽同功。

鱧魚本名鱧魚甘溫無毒。

發明 池魚大都無毒。兼此魚恒食諸魚之遺。其毒雖少。不

無助長溼熱之虞。有皂白二種。皂者頭大。白者腹腴。雖食品

之下。而有溫中益氣之功。與鱣魚無異也。白脊鯢鯢鯢食品

濶口魚

本名鮪魚

甘溫無毒

此魚對食諸魚之毒其毒雖少不

發明

鮪生海中。與石首同類。以之剖腹曝乾。亦與石首作

鯨無異。以其頷下有骨撐開。故有濶之稱。能開胃進食。下勝

肮水氣。病人食之。無發毒之慮。食品中之有益者也。黃魚鯢

編魚

古名魴魚

甘溫無毒

同非白鯢。其味亦鹹。其性亦平。

發明

編魚縮項。性不喜動。嚴冬善息土中。故食之能調胃

氣。而無動風發熱之慮。與白魚之性相仿。但無利水之功耳。

白魚出甘平無毒

發明。白魚入肺利水。開胃下氣。金匱治淋病小便不利。滑

石白魚散用之。取其佐滑石以利氣。兼亂髮以破血。血氣通

調。而淋瀝止矣。同棗食之。令人腰痛。以其滲泄脾腎也。中

石首魚

俗名鯉魚

甘平無毒。乾者名白鯊。

發明 石首魚生鹹水中。而味至淡。故諸病食之。無助火之

虞。與河豚之性稟陰毒迥殊。腦中石魷主石淋。腦骨為末。入

有嘴壺中薰腦漏。然惟暴患得効。痢疾切忌油膩。惟白鯊食

之最宜。

鰾膠 鹹平無毒。凡用入丸。切作小塊。蛤粉炒成珠。方可磨

末。煉蜜調劑。須待涼用。又不可搗。搗則粘韌。難為丸矣。

發明 諸魚之鰾。皆可為膠。而石首魚者。膠物甚固。故晉精

方用之。合沙苑蒺藜。名聚精丸。為固精要藥。丹方又以一味

炒研。砂糖調。日服一錢匕。治痔最良。經久痔自枯落。燒灰治

產後風搐。破傷風瘕。取其滋榮經脈。而虛風自息也。

鰾魚 甘平無毒。



發明 勒魚腹下有骨勒人因以得名以其甘温開胃有宜

於老人之說作鯨尤良脊骨治瘡以一寸入七寶飲酒水各

半煎露一宿服之

鱈魚 甘温無毒

發明 鱈魚性補温中益虛而無發毒之慮其生江中者大

而色青味極甘美生海中者小而色赤味亦稍薄觀其暗室

生光迥非常魚可比其鱗用香油熬塗湯火傷効

嘉魚 甘温無毒

發明 此魚食乳水功用同乳食之令人肥健悅澤腎虛消

渴勞瘦虛損者食之最宜

鰈魚 此魚骨柔肉脆能益胃氣食之令人肥健腹中子性

寒有毒多食令人痢下

鯽魚 甘溫無毒。烏背者其味最美。以其居濁水中。雖肥不無小毒。然此恆用食品。未嘗見其有毒傷人。

發明 諸魚性動屬火。惟鯽魚屬土。有調胃實腸之功。故有反厚朴之戒。以厚朴泄胃氣。鯽魚益胃氣。故大明言。溫中下氣。保昇言。止痢厚腸。皆言其補益之功也。生搗塗痰核乳癰。堅腫。以豬脂煎灰服。治腸癰。令赤小豆煮汁食消水腫。炙油調塗婦人陰瘡。同白礬燒研。治腸痔血痢。入綠礬泥固煨。治反胃吐食。與胡蒜煨。治膈氣痞滿。凡煨俱不可去鱗。以鱗有止血之功也。

石斑魚

有毒。

發明 石斑魚生南方溪澗水石處。長數寸。大不過尺餘。有雌無雄。二三月與蜥蜴交合水上。其子毒人。令人吐瀉。醫說

云用魚尾草汁少許解之。

鱠殘魚

俗名銀魚

甘平無毒。

發明 鱠殘出蘇松浙江。大者不過三四寸。身圓無鱗。潔白如銀。小者尤勝。鮮食最美。曝乾亦佳。作羹食之。寬中健胃。而無油膩傷中之患。

海粉

鹹寒無毒。

發明 海粉色碧微鹹。專行肝腎。云是海中介屬。得東南水土之氣而成。與蜂之釀蜜無異。土人採得而貨之。以供食品。能散癭瘤。解毒熱。但性寒滑。脾胃虛人勿食。

燕窩

甘平無毒。

發明

鳥啣海粉作窩。得風日陽和之氣化。鹹寒為甘平。能

使金水相生。腎氣上滋於肺。而胃氣亦得以安。食品中之最

馴良者。惜乎本草不收。方書罕用。今人以之調補虛勞。咳吐紅痰。每兼冰糖煮食。往往獲効。然惟病勢初淺者爲宜。若陰火方盛。血逆上奔。雖用無濟。以其幽柔無剛毅之力耳。

鱸魚甘平小毒。

發明。鱸魚鬆脆。與石首魚相類。補五藏。益筋骨。和腸胃。治水氣。多食宜人。作鮓尤良。

鰕魚甘平小毒。

發明。鰕性疎利。有補虛益胃。去腹內惡血小蟲之功。醫說有邵氏女年十八。病勞瘵累年。偶食鰕魚羹。遂愈。正與補勞益胃殺蟲之說相符。膽治骨鯁。及竹木刺入咽喉。不拘大人小兒。或入腹刺痛。服之皆出。臘月收大鰕魚膽。懸北簷下。陰乾。遇有梗者。用皂子大酒研溫服。得吐則鯁隨涎出。未出再

服以出為度。酒隨量飲。無不出者。如無鱖魚膽。鮫魚青魚鱒

魚膽用鮮者。酒調服之亦出。

鱧魚即鱖魚俗名里魚甘寒無毒。

發明。鱧性伏土而能勝水。故治水腫。療五痔。治溼痺。主脚

氣。妊娠面浮脚腫者。合赤小豆煮食甚効。丹方治水腫腹大。

用活鱧魚去腹垢。入獨顆蒜令滿。外塗溼黃泥。炭火炙食。屢

効。有瘡者不可食。令癢白。

鰻鱺魚。甘平小毒。潤嘴者為鰻。尖嘴者為鱺。

發明。鰻魚雖有毒。性能補虛益陰。久病勞瘵宜之。大便濡

泄勿用。其功專在滋補真陰。殺勞瘵蟲。與蛇同類。故主治亦

近之。

鱒魚。甘大溫無毒。

發明。鱣魚稟已土之氣。能補中益血。婦人產後惡露淋瀝。腸鳴溼痺。並宜食之。暴乾煨灰存性。治老人虛痢。大鱣魚重。筋餘者。能助勢力。食後遍體疼脹。盡力搥之。大力丸方用熊筋虎骨。當歸人參。等分爲末。酒蒸大鱣魚。取肉搗爛爲丸。每日空腹酒下兩許。氣力驟長。鱣魚血力能助陽。壯年陽道不長。育龜丸用之。方用石龍子蛤蚧。生犀角。生附子。草烏頭乳香。沒藥。血竭。細辛。黑芝蔴。五倍子。陽起石。等分爲末。生鱣魚血爲丸。硃砂爲衣。每日空心酒下百丸。曾有人服此。得以嗣續宗祧者。不可以房術論也。其尾血療口眼喎斜。同麝少許。右喎塗左。左喎塗右。正卽洗去。其骨燒灰。香油調塗。流火甚効。

甲魚

本名鱣魚

甘溫小毒。

發明 鱣魚無鱗而有甲。故俗名爲著甲。江淮黃河遼海水  
深處皆有之。長二三丈。逆上龍門。能化爲龍。味極肥美。但發  
氣動風。和蕎麥食。令人失音。其肝味勝河豚。食之令人血膚  
乾脫。亦動風之驗也。

鱣魚

本名鮪魚。生江中。長丈餘。身無鱗。鼻與身等。亦鱣屬也。

甘平無毒。

發明 此魚味雖美。而發諸藥毒。動風氣。發一切瘡疥。久食  
令人腰痛。服丹石人忌之。勿與乾筍同食。發癰瘡風。小兒食  
之。成欬嗽及癢痕。作鮮雖珍。亦不益人。

鱣魚

本名鯢魚。即鮪魚。

甘溫小毒。赤目赤鬚無腮者殺人。不可合

牛肝食。反荆芥。

發明 鱣魚類蛇。故能治風。凡日眼喎斜。切活鮪魚尾尖。朝

吻貼之。即正。

黃頰魚 甘平微毒。反荊芥。

發明 無鱗之魚不益人。發瘡疥。不獨黃頰為然。

江鱗一名鱮魚 甘平小毒。

發明 諸魚皆用翅尾游行。惟鱗不勞翅尾。逐隊齊行。故以

命名。種類不一。獨產江水中者。應春而起。味極鮮美。性專降

泄。故敗疽疔漏人忌食。諸鱗皆然。

河豚 甘温有毒。海中者大毒。江中者次之。淡水中者又次

之。有大小二種。大者謂之河豚。背淡青黑。無赤斑。腹白而翅

傍色黃者可食。小者名斑魚。背脊黑。有文點。多赤色。其毒最

甚。以稟蛟龍之氣最甚也。海人言三月後斑魚得木氣全盛

之時。尤不宜食。其雙尾獨自。翅赤嘴赤異常。背有赤印。額內

無腮。腹中多血。獨腴無膽。皆大毒傷人。製食之法。須去其子



與嘴自。及脊中肝內惡血。并去周身脂膜。則不氣腥。煮忌煤  
火。及煤焙落入。與荆芥桔梗。菊花甘草。附子烏頭相反。故食  
河豚。一日內不可服藥。河豚子必久漬石灰水中。而後煮食。  
曾見水浸一夜。大如芡實也。中其毒。則唇舌麻。頭旋目眩。  
足不任履。行步欹側。急宜探吐。隨覓荻芽。或蘆根。搗汁灌之。  
橄欖汁甘草汁皆可解。又槐花乾胭脂等分爲末。水調服之。  
若腹中絞痛。昏迷倒仆者。急用糞清灌之。遲則不救。  
發明 凡物之美者。謂之尤物。靡不買毒傷人。如姐已亡殷  
夷光傾吳。蒙其禍而不自覺也。河豚嗜鹹。內藏信智。外顯文  
刺。窄口巨腹。陰毒內蓄。可知。凡陰毒之物。必藉陽氣而爲鼓  
舞。得春升之令。而浮游水面。非信而乎。散子必入淡水。既生  
必歸巨海。非智而乎。得鹹則肥。得淡則瘦。所以淡水中者其

毒漸解而不致傷人之甚也。以其味美。人爭食之。春初最爲貴品。其腹腴呼爲西施乳。南人有云。凡魚之無鱗無腮無膽有聲。目能睜者。皆有毒。河豚目能開闔。觸之則曳曳有聲。噉怒則腹脹如毬。浮起水面。故人得以取之。其毒入肝助火。莫有甚於此者。患癰瘍脚氣人。切不可食。助溼發毒動風。其患最速。惟取其子。同蜈蚣燒研香油調搽。疥癬有效。抉其目。拌輕粉埋地中化水。拔婦人脚上雞眼瘡。可以脫根。

江豚 鹹腥無毒

發明 江豚形如水牛。藏器雖有飛尸蟲。毒瘡癰之治。從未見有用之者。以之熬油點燈。照檣蒲則明。讀書紡織卽暗。俗言癩婦所化也。

比目魚 甘平無毒。

發明 比目形如箬葉。故俗以是稱之。爾雅所謂東方有比目者是也。魚各一目。相並而遊。今吳中崑山最多。孟詵雖有補中益氣之說。而多食動氣。亦是助溼生熱之故。此必溺於伉儷者之所化也。

鮫魚

一名沙魚

甘鹹平無毒。

發明 鮫魚生南海。背皮粗錯。可節刀靶。其肉作膾。補五藏。

皮治尸疰蠱毒。燒灰解鯨鱓魚毒。

烏賊骨

即烏鰂骨。俗名海鰂縮。

鹹微溫無毒。

發明 烏鰂骨厥陰血分之藥。兼入少陰。其味鹹而走血。故

治血枯血痕。經閉崩帶。陰蝕腫痛。丈夫陰腫。下痢疝疾。厥陰

本藥也。寒熱瘧疾。聾癩。少腹痛。陰痛。厥陰經病也。目瞽流淚。

厥陰竅病也。厥陰為藏血之室。少陰為隱曲之地。故諸血病

陰病皆治之。按素問云。有病胸脇支滿。妨於食。病至則先聞腥臊臭。出清液。吐血。四肢清。目眩。時時前後血。病名曰血枯。得之年少時。有所大脫血。或醉入房中。氣竭肝傷。月事衰少不來。治之以四烏鯽骨一蘆茹爲末。丸以雀卵。大如小豆。每服五丸。飲以鮑魚汁。所以利腸中及傷肝也。觀此入厥陰血分可知。

鮑魚 辛臭溫無毒。

發明 鮑魚腥穢。可淡曝。而不可著鹽。乾則形如塊肉。耑取腥穢。以滌一切瘀積。同氣相感也。人肝散血。煮汁送四烏鯽一蘆茹丸。治女子血枯。經閉。內經用以療傷肝利腸。而不傷伐元氣。惜乎世罕用之。今庖人用以煮肉。則脂沫盡解。滌除垢膩之驗也。秦始皇死沙丘。會暑屍腐。令輜車載鮑魚。以亂

其臭。始皇本曰不葺。萌孽。溷廁宮幃。非取其滌除遺臭之義歟。

海馬。甘温無毒。

發明。海馬雌雄成對。其性温暖。有交感之義。故孕婦帶之於身。臨時煨末服之。并手握之。云易產。又陽虛房術多用之。可代蛤蚧之功也。

鰕俗作蝦。甘温小毒。蝦無鬚腹下通黑色。食之傷人。

發明。鰕性跳躍。生青熟赤。風火之象。生搗敷小兒赤白遊風。絞汁入藥。托腫吐風痰。皆取風能勝溼也。制藥壯陽。取熱能助火也。白者下乳汁。專入氣分也。

介部

龜版。本經名曰神屋。鹹甘平小毒。入藥取腹去背。酒浸酥炙。或熬

膠用色黑產水中者爲水龜。其色黃出山中者爲秦龜。秦龜不入補腎藥。一種呷蛇龜腹折見蛇則呷而食之。其性最毒。不可誤用。方書皆用灼過敗龜之版。取其用過無關生命也。世以自死龜殼爲敗。旣死精氣已脫。取用何益。悞服反受其毒。以其爲蛇虺所傷也。今藥肆所賣龜膠。每以鹿角膠脚冲入則易凝結。亦有以黃明膠和入者。凡製膠須去背甲以淨腹版。水浸去外衣。則膠無腥濁之氣。

本經主漏下赤白。破癥瘕瘵瘡。五痔陰蝕。溼痺四肢重弱。小兒顛不合。

發明 龜稟北方之氣而生。乃陰中至陰之物。耑行任脈。上通心氣。下通腎經。故能補陰治血治勞。大凡滋陰降火之藥。多寒涼損胃。惟龜版炙灰則益大腸。止泄瀉。故漏下赤白亦

能療之。其治小兒顛不合。專取滋水堅骨之功。皆龜之所主。其破癥瘕痰瘰。五痔陰蝕濕痺重著。皆秦龜之功用。以能入脾經。治風溼也。時珍云。龜鹿靈而壽。龜首常藏向腹。能通任脈。故取其腹。以補心補腎補血。皆養陰也。鹿鼻常反向尾。能通督脈。故取其角。以補命門補精補氣。皆養陽也。觀龜甲所主之病。皆屬陰虛精弱。腰脚痠痿。可心解矣。燒灰酒服。治痘瘡。又合鹿角灰等分。入四物湯服。治血崩。炙末酒服。主風痺脚弱。燒灰傅小兒頭瘡。婦人陰瘡。鱗魚血調塗流火溼瘡。但胃虛少食。大便不實。及妊娠禁用。以其無陽生之力耳。膽汁苦寒。治痘後目腫。經月不開。取汁點之良。溺滴耳治聾。點舌下。治太人中風舌瘖。小兒驚風不語。摩胸背治龜胸龜背。欲取其溺。以猪鬃刺其鼻卽出。

玳瑁

即瑁

甘寒無毒。入藥生者良。

發明 玳瑁入心主血。有解毒解熱之功。故蘇頌以之磨汁。服。解蠱毒。日華破癥結。消癰毒。止驚癇。士良療心風。解煩熱。行血氣。利大小腸。時珍治傷寒熱結狂言。解毒清熱之功。等於犀角。同犀角解痘毒。痘瘡黑陷。乃心熱血凝。用生犀玳瑁磨汁。入豬心血少許。紫草湯調服。則熱解血和。而陷痘起矣。但虛寒而陷者勿用。

鼈甲

一名上甲

鹹平無毒。九肋七肋者佳。以其得陽數也。然多

有摘去下肋。偽充七肋者。亦有半邊隻肋。半邊雙肋者。此團魚與鼈交合而生。不若純隻肋者為優。醋煨酥炙各隨本方。治癰母。淋灰湯煮糜如飴用。龜用大者力勝。鼈用小者力優。妊婦勿食鼈肉。與莧菜鴨卵合食尤忌。



本經主心腹癥瘕。堅積寒熱。去痞疾。息肉。陰蝕痔核惡肉。發明。鼈色青。入厥陰肝經。及衝脈。爲陰中之陽。陽奇陰偶。故取隻肋爲肝經之嚮導。其所主者。痲瘰癧母。虛勞寒熱癥瘕痞疾。經水陰痞。不出本經主治也。凡骨蒸勞熱自汗皆用之。爲其能滋肝經之火也。與龜甲同類。並主陰經血分之病。龜用腹。腹屬腎。鼈用肋。肋屬肝。然究竟是削肝之劑。非補肝藥也。妊婦忌用。以其能伐肝破血也。肝虛無熱禁之。燬灰研極細末。療湯火傷。皮綻肉爛者。並効。乾則麻油調敷。溼則乾搽。其痛立止。其解火毒。療骨蒸。殺瘵蟲之功。可默悟矣。鼈頭燒灰。酒服。療小兒脫肛。婦人陰脫下墜。取其善縮之性也。生血塗之尤効。○沈聖符曰。食品中惟鼈最爲巨測。其間多有太毒。不減河豚者。如三足兩頭。人所共棄。項強腹赤。毒可傷

入。予隣余子坦。曾見蛇盤屢跌而成鼈者。四生之中。物物皆有變化無足異也。且有鼈寶生鼈腹中之說。說者以爲誕妄。姑置罔聞。近日楓江吳氏買一鼈。烹之。輒作人言。其家以爲怪也。添火烹之。剖腹果得一物。約長三寸。鬚眉宛然。聖符返予往看。驗其鼈形。背高脊起。稍異尋常。聖符屬筆命記。以爲嗜味傷生之警。

鼈甲

甘平無毒。

發明 鼈甲炙黃酒浸。治瘰癧殺蟲。逐風惡瘡。痔瘻風頑疥瘡。功同鼈甲。但鼈走肝。而鼈走脾。故其主治稍有不同。蟹 鹹寒。小毒。未被霜者有毒。多食腹痛泄瀉。生薑紫蘇。豉汁蘆根汁。並可解之。其性喜入蛇穴。得其毒則驟長。故重一觔以上者。誤食殺人。又兩目相向。足斑目赤者。大毒不可食。

本經主胸中邪氣熱結痛。喎辟面腫。能敗漆。燒之致鼠  
發明。蟹之外骨內肉。生青熟赤。陰包陽象無疑。性崑破血。  
故能續斷絕筋骨。本經主胸中邪氣熱結痛。喎辟面腫。皆是  
瘀血爲患。性能敗漆。今人生搗治漆瘡。塗火燙。皆取散血之  
意。日華治筋骨折傷。生搗晉之藏器云。能續斷筋。去殼用黃。  
搗爛微炒。納入瘡中。筋卽連也。可知其功不獨散而能和血  
矣。凡物之赤者皆熱。惟蟹與柿性寒。所以二物不宜同食。令  
入泄瀉發癥瘕。妊娠忌食。以其性專逆水橫行也。其爪爲催  
生下死胎胞衣專藥。千金神造湯。治子死腹中。并雙胎一死  
一。生服之。令死者出生者安。神驗方也。但以一邊運動一邊  
沈著者。卽是無疑。方用蟹爪一升。甘草一尺。東流水一斗。以  
葦薪煮至二升。去滓。入真阿膠二兩。令烱頓服。或分二服。若



帶下。用尾燒灰米飲服卽止。聖惠方治積年欬嗽。呀呷作聲。用鱈魚殼半兩。貝母桔梗。入牙皂末少許。蜜丸噙下。九燕汁服三丸。卽吐出惡涎而瘥。

牡蠣鹹平微寒無毒。煨赤用。左顧者良。

本經主傷寒寒熱。溫瘧洒洒。驚恚怒氣。除拘緩鼠瘻。女子帶

下赤白。

發明。牡蠣入足少陰。爲軟堅之劑。以柴胡引之。去脇下痛。

以茶引之。消項上結核。以太黃引之。消股間腫。以地黃引之。

益精收瀦止小便。腎經血分藥也。本經治傷寒寒熱溫瘧洒

洒。是指傷寒發汗後寒熱不止而言。非正發汗藥也。仲景少

陽病犯本。有柴胡龍骨牡蠣湯。金匱百合病變渴。有栝萸牡

蠣散。用牡蠣以散內結之熱。卽溫瘧之熱從內蘊。驚恚之怒。

氣上逆亦宜鹹寒降泄爲務其拘緩鼠瘦帶下赤白總由痰積內滯端不出軟堅散結之治耳今人以牡蠣潛精而治房勞精滑則慮其鹹降治亢陽精傷又恐其斂潛惟傷寒亡陽汗脫溫粉之法最妙其肉糟製卽蠣黃醬也

蚌 肉甘寒殼鹹寒無毒

發明 蚌與蛤皆水產而蛤則生鹹水色白入肺故有軟堅積化頑痰之功蚌生淡水色蒼入肝故有清熱行溼治雀目夜盲之力蓋雀目則肝腎之病也初生小兒啞驚活蚌水磨墨滴入口中少頃下黑糞而愈生蚌炙水治湯火傷甚効古方用方諸水清神定魄以大蚌向月取水是也

真珠 鹹甘寒無毒

發明 珍珠入手足厥陰二經故能安魂定神明目退翳解

痘毒及痘瘡入眼。治耳暴聾出水。研細末吹之。待其乾脫自愈。煨灰入長肉藥。及湯火傷。敷之最妙。然不可著水。著水則反爛肉。

石决明

一名珍珠母

鹹平無毒。九孔者佳。麩裏煨熟水飛用。反

雲母。

發明 石决明味鹹軟堅。入肝腎二經。爲磨腎消障之專藥。

又治風熱入肝。煩擾不寐。遊魂無定。本事方珍珠母丸。與龍齒同用。取散肝經之積熱。須與養血藥同用。不宜久服。令人寒中。非其性寒。乃消乏過當耳。

文蛤 鹹平微寒無毒。卽蛤蜊之殼厚口。先有紫斑文者。用酸漿水。或醋煮半日許。搗粉用。

本經主惡瘡蝕五痔。

發明。文蛤鹹寒。走足少陰經。爲潤下之味。故能止渴利小便。別錄治欬逆胸痺。腰痛脇急。鼠瘦崩中。卽本經主惡瘡蝕五痔之義。取鹹能軟堅。入血分也。仲景傷寒太陽病。用水刮益煩。意欲飲水。反不渴者。及金匱渴欲飲水不止。並用文蛤散。其治反胃吐後。渴欲飲水而貪飲者。則有文蛤湯。總取鹹寒滌飲之義。

蛤蜊 鹹寒無毒。紫口者良。

發明 大都鹹寒之物。皆能清熱。開胃止渴。其殼煨赤杵粉。能清肺熱。滋腎燥。降痰清火。止欬定喘。消堅癖。散癭瘤。無不宜之。炒阿膠鱧膠用之。以其味鹹。能發滯性也。單方治乳癰。每三錢入皂角刺末半錢。溫酒調服。治肺癰。一味童便煨研。甘桔湯日進三服。屢驗。然須冬時取栝萸實。和穰子同搗。仍



入殼中。懸當風處陰乾。以供一歲之用。否則難於取應也。

蛭 甘平無毒。

發明 蛭生江湖中。與蚌蛤相類。閩人以田種之。謂之蛭田。

其肉可為淡乾。腸鼻糟之。以充海錯。婦人產後虛熱宜之。

魁蛤殼

俗名蚶字 即瓦孺字

肉甘平。殼鹹平無毒。

發明

蚶肉僅供食品。雖有溫中健胃之功。方藥曾未之及。

其殼煨灰。則有消血塊。散痰積。治積年胃脘瘀血疼痛之功。

與鼈甲蟲蟲同為消瘰母之味。獨用醋丸。則消胃脘痰積。觀

製蚶餅者。以蚶殼灰。泡湯。搜糯粉。則發鬆異常。粟堅之力可

知。

車螯

一名 蜃

鹹冷無毒。

發明

車螯是海中大蛤。以其吐氣成樓。故名曰蜃。所謂雀

入淮爲蛤。鳩入海爲蜃者是也。其肉解酒毒消渴。殼治瘡腫癰毒。燒赤醋淬爲末。同甘草等分酒服。并以醋調敷之。日華法也。

貝子 鹹平小毒。燒赤搗細如麩。以清酒淘過用。白者入氣分。紫者入血分。花者兼入血氣。本經主目瞖五癰。利水道。鬼疰蟲毒。腹痛下血。

發明 貝生南海。雲南極多。土人用爲錢貨交易。因其味鹹軟堅。故本經專主目瞖。其治五癰等病。取鹹潤走血之力。千金脚氣丸中用之。專取鹹能破堅之意。雖數十年之疾。靡不克効。以其透入骨空。搜逐溼滯之氣。和諸藥蒸蒸作汗。次第而解也。古方點目用貝子粉。入龍腦少許。有瘰肉。加珍珠末吹點。亦入老瞖諸方。紫貝治小兒癩疹目瞖。今人用以研紙。

謂之研羸。大者曰珂。亦名馬軻螺。治目消翳。去筋膜努肉。與貝子相類。分紫白煨灰用之。

石蚶一名龜脚甘鹹無毒。

發明 石蚶生東南海中石上。蚌蛤之屬。形如龜脚。殼似海螯。與吐蛭等同為海錯。而此稍遜。然其有利小便之功。吐蛭不如也。

淡菜 甘温無毒。

發明 淡菜生鹹水而味不沾鹹。為消癭之善藥。兼補陰虛。勞傷。精血衰少。及婦人帶下。理腰脚氣。不宜多食。久食令人陽痿不起。及脫人髮。一切海中苔菜皆然。不獨淡菜也。

海羸屬名甲香鹹平無毒。

發明 海羸肉甘寒。食之能止心痛。生螺汁洗眼止痛。經二

三十年者輒應。入黃連末點之尤良。○麝性閉藏。能斂香氣。經月不散。獨燒則臭。與沈麝諸香。及諸花和蠟煎成者曰甲煎。可作口脂。千金方用之。唐李義山詩。所謂沈香甲煎為庭燎者是也。其殼五色。璀璨為鈿最精。燒過點眼。能消宿瞽。惜手專目科者罕知。

羸卽螺

甘寒無毒。

發明 羸蚌蛤蟹龜鼈之類。皆外剛內柔。稟離火之象。雖居泥水而性寒。治火熱之毒最捷。用珍珠黃連。嵌入良久。取汁注目中。止熱壅目痛。生搗絞汁。和無灰酒飲。治黃癉小便不利。田中大螺。去掩入冰片少許。埋土中一伏時。化水療痔瘡。又搗爛和麝香貼臍上。引溼熱下行。治噤口痢。土墻上爛殼燒灰敷痘瘡。及臙瘡溼毒。生田中者。得土氣多而形大。生水

中者得水氣多而形小。其治水腫黃癰。目赤腫痛。痔腫脫肛。消渴解酒之功則一。產徽州溪礪中者。其肉青碧可愛。土人取肉焙乾。以充方物。但性冷利。人過食令人腹痛泄瀉。急磨木香酒解之。

寄居蟲

甘溫無毒。

發明 藏器曰。寄居蟲在螺殼間。非螺也。候螺蛤開。即自出入。螺蛤欲合。已還殼中。海族多被其寄。南海一種似蜘蛛。入螺中負殼而行。觸之即縮入螺。火炙乃出。婦人難產。以七枚搗酒服之。或臨產兩手各握一枚。與相思子無異。弘景云。食之益顏色。美心志。惜手一吋不易得也。

郎君子

即相思子

發明 相思子狀如螺中之子。大如小豆。藏篋筥積歲猶活。

置醋中卽盤旋不已。婦人難產。手把之便生。屢驗。

禽部

鶴頂 辛温大毒。

發明 鶴食蛇虺而頂血大毒。力能殺人。人之欲求自盡者。

服之卽斃。而嘉祐又以鶴血益氣力。補虛乏。去風益肺。恐未

必然。肫中砂石子磨水服。能解蠱毒。

鶴骨 甘寒小毒。

發明 鶴骨治尸疰喉痺蛇虺傷。專用其毒。以攻伏匿之毒。

也。嘴及脚骨尤良。卵能預解痘毒。水煮一枚。與兒啖之。令不

出痘。或出亦稀。與鶴卵同功。

鵝鵝 即鵝 鹹寒無毒。

發明 鵝鵝好啖魚蛇及鳥雛。故治痞積有鵝鵝丸。用之爲

若治食魚鼈成瘕者尤効。其骨酥炙。和南蓬砂吹喉。治骨哽。忍之須臾。輕輕咯之。骨與痰涎俱出。

鵝鵝

即淘鵝

鹹溫滑無毒

發明。淘鵝油性走。能引諸藥透入病所拔毒。故治聾痺腫毒諸病。其舌治疔瘡。取入心拔毒外出也。

鵝白者甘平無毒。蒼者有毒。嫩者尤劣。

發明。鵝氣味俱厚。發風發瘡。莫此為甚。別錄謂其性涼利。

五藏。是指蒼者而言。韓氏謂其疎風。是言白者之性耳。昔人

治癘風方中。取純白鵝通身之毛。及嘴足之皮。與脆肝肉皮。

同固濟。煨灰存性。和風藥用之。為風藥之嚮導也。然不可遺

失一處。其處即不能愈。又不可用雜色者。若有一處色蒼。風

愈之後。其處肌膚色黑。此與蛇發風毒。白花蛇善解風毒之

義不殊。白鷺脂祛風潤燥。解礮石毒。血能涌吐。胃中瘀結。開  
血膈吐逆。食不得入。乘熱恣飲。卽能嘔出病根。以血引血。同  
氣相求之驗也。中射工毒者。飲之。并塗其身。卽解。以其能食  
此蟲也。尾臍內耳中治聾。及聒耳。取以達三焦之氣也。涎治  
誤吞稻芒。亦物性之相制耳。白鷺屎絞汁。治小兒鷺口瘡。蒼  
鷺屎。傳蟲蛇咬毒。

雁 甘温無毒

本經主風攣拘急偏枯。血氣不通利。

發明 雁爲信鳥。豈宜食之。故道家謂之天厭。性善通利血  
氣。風攣拘急偏枯。取肉炙熟帖之。昔黃帝製指南。於雁脰骨  
空中製鍼。取其能定南北也。但覓之不易。今人於鯉魚腦中  
製之。以其性專伏土。定而不移。可定水土之方向也。



鶩即家鴨

甘溫無毒。嫩者有毒。老者無毒。

發明 鶩之逼火而生。啜水而長。未出卵時。先得火氣。故不  
彈冰雪。偏喜淫雨。而尾臍羶濁最甚。故羣雌一彼其氣。皆得  
生化之機。不待鶩尾之遍也。溫中補虛。扶陽利水。是其本性。  
男子陽氣不振者。食之最宜。患水腫人。用之最安。黑嘴白毛  
者。治腸胃久虛。葛可以白鳳膏用之。取金水相生之義。綠頭  
老鴨。治陽水暴腫。外臺鴨頭丸用之。取通調水道之義。白鴨  
生血。能補血解毒。勞傷吐血。衝熱酒調服。屢効。中射工溪盡  
及野葛。砒霜毒。灌之即解。悞吞金銀入腹。乘熱頓飲數升。其  
金即下。諸鴨涎治穀麥芒入喉。及小兒瘳風反張。滴之即消。  
卵能閉氣。以混沌未分。塞人聰慧。諸病忌食。而滯下尤禁。白  
鴨通殺石藥毒。凡服藥過劑。昏迷眩暈者。取白鴨通一合。湯

漬澄清服之即解。勿以其穢而棄諸。

鳧即野鴨

甘平無毒。

發明 鳧逐羣飛。夏藏冬見。與鴻雁不異。其在九月以後。立

春以前。味極甘美。病人食之。全勝家鴨。以其肥而不脂。美而

易化。故滯下泄瀉。喘欬上氣。虛勞失血。及產後病後。無不宜

之。雖有安中利水之功。而方藥曾未之及。孟詵除十一種蟲

等治。未能深信。摘玄方解挑生蠱毒。取生鳧血熱飲探吐。於

此可悟。生鷺血可吐胸腹諸蟲。血積總以血引。血同氣相應

之力耳。

雞 甘平小毒。諸雞有五色者。黑雞白首者。六指者。死足不

伸者。並不可食。

發明 雞屬巽而動風。外應乎木。內通乎肝。得陽氣之最早。

故先寅而鳴。鳴必鼓翅。火動生風之象。風火易動而易散。人之陽事不力者。不宜食雞。是以昔人有利婦人。不利男子之說。而東南之人。肝氣易動。動則生火。生痰。病邪得之。爲有助也。北方陽氣潛伏。最宜發越。病邪得之。便能作汗。以其能助肝氣也。姑以物性之常變言之。諸雞中惟烏骨白絲毛者最良。巽象變坎。得水木之精氣。肝腎血分病宜之。烏骨雞丸。治經突胎產虛熱諸病。以其峻補肝血也。今人治賊風痛痺。專取五爪烏骨雄雞。置病人痛處。任其鳴啄。少頃其痛自止。雞之五爪者有毒。此專取其毒。以引其毒外泄也。丹雄雞。治女人崩中漏下赤白沃。通神明。殺惡毒。辟不祥。中惡魔魅。以血灌鼻卽蘇。中風口眼喎斜。乘熱塗患處卽正。雞冠血。和酒釀調陵鯉甲末。治痘瘡肝熱毒盛。而變青乾紫黑陷伏。黃雌雞。

治產後虛羸。煮汁煎藥最宜。黑雌雞。治妊娠胎息不安。泰和老雞。內托小兒痘瘡。近世治產後虛羸寒熱。亦取用之。以其能助肝經生氣也。雄雞肝。取不落水者。研爛和蜂蠟酒釀頓熟。治小兒疳積壞眼。日服無間。腎盡為度。雞臛。俗名雞內金。治食積腹滿。反胃泄利。及眼目障翳。雞卵。治傷寒發狂。欬嗽失音。並生食之。以雞卵畧敲損。勿令清漏。浸尿中。冬三夏一日。取煮食之。治哮喘風痰。雞子清。治伏熱目赤喉痛。雞子黃。治產後胞衣不下。並用生者。又以煮熟去白取黃。同亂髮香油熬化。塗嬰孩胎毒熱瘡。抱出卵殼。研細為末。去目中瘴。醫燒灰蜜調塗。嬰兒頭身諸瘡。卵殼中白皮。同麻黃紫苑。治久欬氣結。鵝雞子。乃不孚之卵。取以同犬屎敷腫瘍。其痛立止。千金方也。雞矢白為散。無灰酒下一錢匕。治蠱脹腹滿。內

經雞矢醴也。溲矢和石灰末塗疔腫。半日許即能拔出。

雉即野雞甘酸温小毒。

發明。俾雅云。蛇交雉則生蜃。蜃爲雉入大水所化。推其變化之源。必由異氣所感。水經云。蛇雉遺卵於地而爲蛟。其卵遇雷則入地。不遇雷則仍爲雉。於此可悟其化蜃總由靈蛇之性未泯。不得山靈之氣。遂其飛騰。則得滄溟之氣。恣其吞吐。是與虹蜺奚擇哉。別錄言其補中益氣力。止泄痢。除蟻瘻。此指尋常之雉而言。千金以之治蟻瘻。因其喜於食蟻。乃用以製之也。周禮包人供六禽。雉是其一。亦食品之貴。然有毒不可常食。有病人尤非所宜。而春夏不可食者。以其食蟲蟻也。時珍曰。雉屬離火。雞屬巽木。故煮雞則冠變。煮雉則冠紅。火性暴烈。發痔發瘡。與家雞子同食。令人發疰。週身疼痛。爲

患種種惡得謂之無毒乎。

烏鴉 酸甘平無毒。種類有四。小而純黑者為烏。大嘴而腹

下白者為鴉。並入藥用。其項白而大者為燕鳥。嘴赤而小者

為山鳥。皆不入藥。

發明 慈鳥反哺。性稟孝慈。嘉祐雖有補勞治瘦之功。骨蒸

羸弱效嗽之治。然血肉之中。豈無他味。而忍傷孝慈之物哉。

○烏鴉嘴大。貪戾傷生。時珍取治暗風癩疾。勞傷吐血。效嗽

殺蟲等病。專取搜逐風毒之用。與慈鳥之調補虛羸。各有仁

慈剛暴之用。奚啻天淵。

鵲鵲重 甘寒無毒。

發明 鵲性靈慧。能知吉凶。觀其營巢開戶。必背太歲而向

太乙。非鵲鳩之可比。別錄用之。為下石淋專藥。以其鳴必掉

木經逢原卷四 禽部 烏鴉 鵲 鵲鳩 鵲

尾取其週身之氣。悉向下通也。藏器有云。燒灰淋汁飲之。令入淋石自下。蘇頌言。婦人不可食。以其相視而通。音感而孕也。其腦燒之。入酒同飲。令人相思。蘇頌之說。得非緣此。○鵲重巢。日華取多年者。燒之。療顛狂鬼魅。及蠱毒。仍呼崇物名。號亦敷癩瘡。千金治婦人難產。取多年生育相安之義。○鷓鴣。甘温。小毒。

發明。此物食烏頭半夏苗。好啖此者。多發咽喉頭腦腫痛。

甘草生薑。並可解之。唐本言。鷓鴣治嶺南野葛菌子生。金毒。

及温癘久病欲死者。合毛熬酒漬服之。或生搗汁服。最良。日。

華云。酒服主蠱氣欲死。孟詵云。能利五藏。益心力。令人聰明。

鶉。甘平無毒。

發明。鶉主腹大如鼓。解熱結。療小兒疳。按鶉乃蛙化。氣性。

相同。蛙與蟹。皆解熱結。治疔利水消腫。則鴉之消鼓脹。益

亦同功。食後下如鵝脂數次。即愈。鹹平無毒。

發明 鴉之品類頗多。惟白者入藥。能解諸樂毒。久患虛羸

者。食之有益。調精益氣。治惡瘡疥癬風瘡。白癩風。瘰癧。瘍風。

煮熟酒服。無不宜之。鴉卵能稀痘。其矢氣臭之。能殺瘵蟲。虛

勞家咸多畜之。

鴉俗作鶯。即黃鸝。月令。各倉庚。甘溫無毒。

發明 此鳥感春陽先鳴。故能補益陽氣。食之令人不妬。以

陽和之氣。能勝陰毒也。按陽燹止。妬論云。梁武帝郊后。性妬。

或言倉庚為膳療治。遂令食之。如粟減半。

雀卵 甘溫無毒。服亦人忌食。

本經逢原卷四

禽部 鴉 鴉雀 伏翼 四十四 思得堂藏



發明 雀屬陽而性淫。故能強壯陽事。火衰陰痿精寒者最

宜。陰虛火盛者禁用。雀卵治血枯。素問有四鳥鱧骨一薦茹丸。用之最妙。如無雀卵。生雀肝代之。頭血主雀盲。腦用綿裹塞耳治聾。雄雀屎名白丁香。去日中醫膜。及面上黥黑。但取直者即雄。與狼鼠糞無異。入藥有效。

伏翼 即蝙蝠屎 名夜明砂 鹹平無毒。伏翼煨灰用。夜明砂淘淨焙用。

本經主目瞑癢痛。明目。夜視有精光。其屎治面癰腫。皮膚洗洗時痛。腹中血氣。破寒熱積聚。除驚悸。

發明 本經治目瞑癢痛。用伏翼。近世目科。惟用夜明砂。鮮

有用。伏翼者。要皆厥陰肝經血分藥也。其伏翼屎。能破結血消積。故目瞽盲障。癰魁淋帶。瘰癧癰疽。皆用之。然蝙蝠食之

大能利入。稍虛者不可輕用。

五靈脂

即寒號蟲矢  
又名鴟鴞

苦酸寒小毒。研細酒飛去砂石晒乾。

生用則破血。炒用則和血。

發明 鴟鴞候時鳥也。晉地有之。春夏羽儀豐盛。冬時裸形。

晝夜哀鳴。故楊氏丹鉛錄謂之寒號蟲。屎名五靈脂。謂狀如

凝脂而受五行之靈氣也。其氣腥穢。其味苦酸。大傷胃氣。綱

目言其甘溫。恐非正論。雖有治目醫中脘疼痛之功。惟藜藿

庶可應用。終非膏粱所宜。同蒲黃名失笑散。治一切心胸腹

脇少腹諸痛。及產後結血血崩。目中生翳。往來不定。其性入

肝散血最速。但性極羶惡。脾胃虛者不能勝其氣也。

斑鳩 甘平無毒。

發明 斑鳩補腎。故能明目。治虛損益氣。食之令人不噎。目

科斑鳩丸。錦鳩丸。用之。取氣血為引導。以助補腎明目之功。

也。

伯勞 平有毒。

發明 方藥未有用者。其毛治小兒繼病。俗作勉病。取毛帶

之。繼病者母有娠。乳兒病如瘡疥。他日相繼腹大。或癩或

發。他人有娠相近。亦能相繼也。北人未識此病。

鸚鵡俗名八哥 甘辛無毒。

發明 鸚鵡自和乳汁滴目。令人目明。能見霄外之物。甚言

明目之効耳。肉治噎逆。及五痔止血。並炙熟食之。

啄木鳥 甘酸平無毒。形色與畫眉鳥相似。但頭頂有紅毛

一片。嘴與爪皆堅銳如鐵。故能啄木取蠹。不可不辯。

發明 啄木性專殺蠹。故能治人藏府積蠹之患。時珍治勞

瘵癩癢。皆取制蟲之義。燒灰存性。治痔漏蟲管。納孔中。不過

二三。次愈。丹方治噎膈。諸藥不効。以之熬膏。入麝香一錢。七晝夜六時。嗅之。膈塞自開。蓋噎膈多有因鬱積所致。以其善開木鬱之邪也。

鷓鴣

即水老鴉

酸鹹温微毒。或云鹹寒誤。

發明

鷓鴣性寒利水。能治腹大如鼓。體寒者。以鷓鴣燒存

性為末。米飲服之。其骨煨灰。蜜調綿裹。治魚骨鯁。與白鷺骨

同功。嘴骨尤効。鷓鴣屎多在石上。色紫如花。就石刮取。名

蜀水花。能去面上黥黑。廔瘰。滅癩疵。及湯火瘡痕。和猪脂敷

疥瘡。

鷹屎白。微寒無毒。

本經主傷。搗滅癩。

發明。虎嘯則風生於地。鷹揚則風動於天。具體雖殊。機應

則一鷹具雄健之翮不能長恃無虞。至秋火伏金生。令行收  
革勁翮漸脫。弱羽未振。卽有雄風未遂奮揚。是以衆鳥侮之。  
月令所謂鷹乃祭鳥是也。古聖觸物致思。專取鷹之屎白。滅  
傷撻痕。雖取穢惡。滌漬實取其翮之善脫也。後人推而廣之。  
用以滌除目中宿翳。吹點藥中咸取用之。其屎中化未盡之  
毛。謂之鷹條。入陰丹陽丹。不特取其翮之善脫。以治難脫之  
病。并取其屎中未化之羽。以消目中未脫之翳。穎脫之妙用。  
崇古未宣。因顯示後起。毋失本經取用之義。

鵬 溫小毒

發明 鷹鵬骨皆能接骨。以鷲鳥之力在骨。故以骨治骨。  
從其類也。折傷斷骨。燒灰每服一錢。酒下。在上食後。在下食  
前。骨卽接如初。但在二百內者易治。二百外則難治。以氣血

凝滯不能合轍也。

鴟 鹹平小毒。

發明 鴟頭治頭風目眩顛倒癩疾。千金治頭風眩轉。面上

遊風。有鴟頭酒。聖惠治旋風眩冒。有鴟頭丸。總取旋風健搏

之力。

鴟 甘温小毒。

發明 鴟治風癩噎食。取初生無毛者一對。黃泥固濟。煨存

性為末。每服一匙。温酒服之。頭生痘瘡黑陷。用臘月者燒灰。

酒服之當起。

鴟 俗呼貓頭鷹。

酸微鹹小毒。

發明 鴟不祥之物。古方罕用。近世治傳屍勞瘵。專取陰

毒之味。以殺陰毒之蟲也。方用鴟酒煮焙乾。同大纒纚七

條。攤薄荷上蒸爛。和薯蕷一觔。搗焙細末為丸。空腹酒下三錢。功用與獺肝彷彿。方士用以昏夜露煮以聚鬼魅。是以至陰之味。誘至陰之物也。

鳩。大毒。

發明。鳩產蠱毒瘴癘之鄉。鍾毒最烈。非宿癩。不能自安。以其無枝。人莫能捕也。人欲求自盡者。以翅羽調酒服之。立斃。與鶴頂之毒無異。別錄云。鳩喙殺蝮蛇毒。時珍言。蝮蛇中人。刮末塗之。即愈。如極惡之人。有以用之。未嘗不解危救急也。

獸部

豬。甘平無毒。同驢馬肉食之。令人霍亂。同羊肝食之。令人心悶。與生胡荽同食傷人臍。

發明 豬屬水獸。性懶善淫。飽食無所用力。周身脂膏不流。故人食之。助溼生痰。莫此爲甚。而肥盛之人。尤非所宜。一種蹄甲白者。有金水相生之象。稍異尋常。鹽漬風乾。製爲南腿。有補養脾腎之能。病人食之。畧無妨礙。良非鮮者之比。丹溪云。豬肉補陽。陰虛者切宜少食。蓋肉性入胃。便作溼熱生痰。痰生則氣不降。而諸證作矣。故痰嗽家最忌。然肺燥乾欬。及火嗽痰結者。食之痰卽易出。其嗽便止。但不宜過鹹耳。當知助溼生痰。惟中間膘脂一層。專助脾溼。若皮則走肺益氣。精者補肝益血。但嫌難尅化耳。其汁則全是膘脂溶化。食之滲入經絡。故東垣言之頗詳。千金治打傷青腫。炙精豬肉搗之。小兒火丹。生豬肉切片貼之。漆瘡作癢。宜啖豬肉。并以豬脂塗之。男女陰蝕。肥豬肉煮汁洗之。不過三十筋瘡。山行石螻



著人足。則穿肌入肉。但以腦脂膏。和鹽塗足脛趾。卽不著人。也。急救方。治竹木刺入肉。以多年燻肉切片包裹卽出。其腎性堅難化。且藏淫火。最不益人。而治腎虛腰痛。豬腎切開。入人參末一錢。溼紙裹煨。每日空心嚼一枚。或入青蛾丸中煮食並効。其治水脹。用豬膽丸。便血用藏連丸。皆用以爲引藥。入病處耳。心血。治驚風癲癘。蓋以心歸心。以血導血之意。得冰片入心經也。卒中惡死。尾血灌之。取其動而不息之意。并縛豚枕之。卽活。蛇入人孔。割母猪尾血滴入。卽出。用肝者。肝主藏血。血病用爲嚮導。故脫肛。肝虛雀自用之。脰卽三焦能滌除腎藏邪毒垢膩。故同胡黃連等藥。治癰瘡最捷。用膽者。取其瀉肝膽之火。故仲景白通湯用爲嚮導。蓋寒能勝熱。滑能潤燥。苦能入心也。傷寒熱邪燥結。有豬膽導法。又膽汁和。

香油等分。亦治癩瘡結毒。清晨連服七日。大便下泄。邪毒最捷。未盡。停七日更服。七日餘。邪自盡。屢驗。尿脬。治產婦傷膀胱。急用上好人參一兩。入脬中煮食。日日服之。稍或遲延。氣血衰冷。不可療矣。齒治驚癇。乳能斷酒。千金方用之。其膚者。皮上白膏是也。取其鹹寒入腎。用以調陰散熱。故仲景治少陰病下利咽痛。胸滿心煩。有豬膚湯。予嘗用之。其效最捷。豚卵治陰莖中疼。驚癇鬼氣。蠱毒除寒熱。煮豚五癰邪氣。攣縮豬蹄煮湯去油煎。催乳藥及醮洗潰瘍有效。蹄甲本經治五痔。伏熱在腹中。腸癰內蝕。今日疾外障亦用之。豬腦治風眩腦鳴。凍瘡癰疽。塗紙上貼。乾則易之。禮記云。食豚去腦。孫真人食忌云。豬腦損男子陽道。酒後尤不可食。延壽書云。以鹽酒食豬腦。是自引賊也。豬骨燒存性為末。水服方寸匕。治食

諸果中毒。又解馬肝漏肺等毒。豬毛燒灰麻油調塗湯火傷。留竅出毒則無痕。豬屎古方取用頗多。千金治患霧氣心煩少氣頭痛項急起則目眩欲倒戰掉不安憎寒微熱心中欲吐吐時無物用新豬屎二升半內好酒一觔攪令散以生布絞取汁更以綿濾頓服之。卽地鋪暖覆卧面前著火常令汗出得汗待其自乾乃起亦治風勞蠱毒燒灰登痘瘡黑陷無價散用之。又衝沸湯蒸麻疹陷伏卽起。總取穢惡以辟不祥之氣同氣相應之用耳。

狗 鹹酸温無毒熱病後忌食妊婦食之令子無聲。

發明 狗屬土而有火故及人履其地雖卧必省天時亢熱則卧陰地下亢虛人食之最宜但食後必發口燥惟粳米湯以解之敗瘡稀水不斂日啜狗肉最佳痔漏人歲久不愈日

食自瘥。凡食犬肉不消。心下堅。或腹脹口乾大渴。心急發熱。妄語如狂。或洞下泄。以杏仁一升。合皮熟研。沸湯三升。和取汁。分三服。利下肉片大驗。狗膽。本經主明目。取其夜能見物也。陰莖。治傷中陰痿不起。除女子帶下十二疾。狗頭骨煨末。止婦人崩中下痢。取其溫而能散也。狗屎中米。名戍腹糧。又名白龍砂。主噎膈風病。及痘瘡倒靨。用此催漿為最。取其性溫熱也。若乾紫黑焦。為血熱毒盛。慎勿悞用。其血能破妖邪。以性屬陽。陰邪不能勝之也。

羊。甘溫有毒。羊類多種。惟白羯者良。胡羊毛捲。洮羊毛豐。肉厚皮薄。並可為裘。牂羊墳首。羯羊色黃。形羸味薄。不堪供饌。凡煮羊忌用銅器。有宿熱者不可食。大病食之必發熱瘡。家及痼疾家食之必發。以其食百草之毒也。羊肉不可共生。

魚鮮食能害人。白羊黑首食其腦作腸癰。羊肝共生椒食之傷人五藏。羊蹄中有白珠者名羊懸食之令人癩。羊獨角及四角者關外有之皆有毒不宜食。羊白炭亦羸初煎下鹽及發明。羊爲肺家之獸目無瞳子周身之氣皆聚於肺故其氣最腥膻而性味甘溫色白補肺是以昔人有人參補氣羊肉補形之說。金匱治產後腹中虛痛及少腹寒疝並用當歸生薑羊肉湯專取羊肉之甘溫煮湯去滓以助當歸生薑辛散之力。虛滯得以開矣。羊腎治腎虛膀胱畜熱胞痺小便淋瀝疼脹。千金腎瀝湯以之爲主。羊石子卽羊之外腎治腎虛精滑。本事金鎖丹用之。羊脬治下虛遺溺。溫水漂淨入補骨脂焙乾爲末。卧時溫酒服羊兩不過四五服卽瘥。羊肝補肝專主肝經受傷目無精光之病。膽治青盲目暗。膽開竅於目。

膽汁充則目明。膽汁減則目暗。古方碧雲膏臘月取羯羊膽以蜜盛滿懸簷下待霜出掃藏點眼神効。羊乳潤而且補。反胃人宜時時食之。取開胃脘潤大腸之燥也。青羊者尤良。羊肺治嗽止渴。久嗽肺虛者宜之。羊脂主下痢脫肛取潤以導之。補中寓瀉也。熟主賊風痿痺潤肌膚入膏透經絡風熱毒氣。婦人產後腹中絞痛丸劑中最宜。羊脛滌除藏府垢膩與豬脛同功。而入肺祛痰尤捷。羊骨稟西方堅勁之氣最銳。得火煨以濟之可以消銅鐵。故悞吞銅鐵者用之。觀磨鏡者非此不明。其治賊風痺痛同虎骨煨灰酒服。皆隨痛處取用。羊鬚燒灰敷小兒額疳并療蠖蝮尿瘡。羊胎炙乾入藥亦能補入。與鹿胎紫河車同入六味地黃丸中。名三台丸。調補腎虛羸瘦最爲得力。羊血解

石藥毒外臺云。凡服丹石人。忌食羊血。十年一食。前功盡亡。凡服石藥。覺毒發刺。羊血熱飲一升。卽解。服地黃何首烏補藥者。忌之。

殺羊角

殺音古。黑羊也。

鹹平無毒。

本經主青盲明目。止驚悸寒泄。久服安心益氣輕身。殺毒蟲。入山燒之。辟惡虎狼。

發明。殺羊與羚羊。俱是野獸。殺則雄猛倍甚。角亦起稜。與

羚羊不殊。但色黑如漆。故專伐腎邪。辟不祥。與羚羊本都勿

佛。互參本經。此言青盲明目。卽羚羊之專主明目也。此言止

驚悸。卽羚羊之治魔寐也。此言止寒泄。卽羚羊之去惡血。注下

也。此言久服安心益氣輕身。卽羚羊之益氣起陰氣也。此言

殺毒蟲。辟惡鬼虎狼。卽羚羊之辟蠱毒惡鬼不祥也。但此主

寒泄。本乎腎虛不能攝津。彼主惡血注下。係乎肝傷不能統血。而別錄治蠱毒吐血。又與羚羊主治相符。究其大綱。此專補救瞳人。彼專消磨腎障。一皆證治之常。至於燒之辟惡鬼。虎狼如此奇突。迥出意表。非尋常之可擬也。

牛。甘溫無毒。同猪肉食之。生寸白蟲。獨肝牛善噉蛇。食之傷人。春月自死牛肉。及生芥牛肉食之。令人瘧。急以生甘草煮汁解之。剝蘊牛傷手足者。令人脹滿。急宜解之。遲則不救。發明。黃牛肉補氣。與黃耆同功。觀丹溪倒倉法論。而引申觸類。則牛之補土。可心解矣。又以黃牛肉取四蹄各五筋。熬膏去滓收乾。如鹿膠法。名霞天膏。主中風偏廢。口眼歪斜。痰涎壅塞。五藏六府留痰宿飲癱塊。手足皮膚中痰核。及大病後極虛羸瘦。每筋入茯苓四兩。頓塔。空腹酒服三四錢。肥盛



多痰者每觔入半夏麴四兩廣皮二兩丸服大効牛本屬坤  
土而膽主風木故能鎮肝明目臘月用釀南星末陰乾歲久  
多製則苦潤不燥治經絡風痰及小兒驚痰其功不減牛黃  
牛骨髓補中填骨髓久服增年能潤澤肌膚黃牛腦和藥治  
頭風腦漏牛角腮本經下閉血瘀血疼痛女人帶下血崩燔  
之酒服宗奭曰燒灰主婦人血崩大便下血血痢牛血性溫  
能補脾胃諸虛治便血血痢一切病後羸瘦咸宜食之其麩  
乃肺系肉團瓦上焙乾爲末酒服治喉痺氣癭古方多用之  
或以製藥益佳取引入肺經以通氣結耳與豬羊鬚療治不  
殊牛齒燒灰治小兒癩牛乳補虛羸止渴噎膈反胃大便燥  
者宜之人生薑葱白止小兒風熱吐乳牛馬肉共生魚食之  
成鼈瘕牛尿治水腫但胃虛少食人勿用牛屎燒灰傅小兒

痘瘡潰爛。產寶治子死腹中。以溼牛糞塗之。牛齒草絞汁。治反胃噎膈。取其沾涎之多也。

馬。辛溫有毒。綱目作甘涼。非。馬脚無夜眼。白馬黑頭。白馬青蹄者。皆不可食。鞍下肉。食之殺人。肝亦不可食。以鞭驅之傷。皆聚於肝也。食馬肉中毒欲死。以香豉杏仁各二兩。蒸熟杵末服之。或者煮蘆根汁飲之。

發明。按靈樞經云。卒口僻急者。目不合。熱則筋縱。目不開。

頰筋有寒則急。引頰移口。有熱則弛縱。緩不勝收。故僻治之。以馬膏膏其急頰。以白酒和桂塗其緩頰。以桑鈎勾之。卽以生桑灰置之坎中。高下以坐等。以膏熨急頰。且飲美酒。噉炙肉。不飲酒者。自強也。爲之三拊而已。世多不知此方之妙。竊謂口頰喎僻。乃風中血脈也。手足陽明之經。絡於口。會太陽。

之經絡於目。寒則筋急而僻。熱則筋緩而縱。故左中寒則逼熱於右。右中寒則逼熱於左。寒者急而熱者緩也。急者皮膚頑痺。營衛凝滯。治法急者緩之。緩者急之。故用馬膏之甘平柔緩。以摩其急。以潤其痺。以通其血脈。用桂酒之辛熱急束。以塗其緩。以收其縱。以和其營衛。以通其筋絡。桑能治風痺。通節竅也。病在上者。酒以行之。甘以助之。故飲美酒。噉炙肉去耳。馬白睛。治癩癩時發。千金方用之。馬心食之喜忘。馬肺食之寒熱萎陽。馬鞍下肉食之。傷人五藏。馬乳祛風止渴。白馬蹄。本經主驚邪。癩癩乳難。辟鬼氣。鬼毒。蠱疰不祥。別錄止衄內崩。齩齒白馬者。治婦人白崩。赤馬者。治婦人赤崩。鬻毛主小兒驚癇。女子崩中赤白。隨其色用之。燒灰止血。塗惡瘡。尾主女人崩中。小兒客忤。白馬陰莖。本經主傷中絕脈。陰不

起強志益氣。長肌肉。肥健生子。野馬陰莖食之。令人陰萎。野馬肉食之。成馬癩。筋脈不能自收持。馬溺微寒。小毒。治癥瘕。有驗。反胃有蟲積者。亦能治之。潰瘍著肉。腐爛。轍骨毒。能傷人。馬矢煨風痺藥酒。取其透達。直入病所也。馬通止血解毒。千金梅師治吐血衄血。肘後治卒中惡吐利不止。經驗治絞腸沙腹痛欲死。俱絞汁服之。又肘後治久痢赤白。聖惠治傷寒勞復。俱燒灰服之。千金治筋骨破傷。以熱馬屎敷之。又治破傷腫痛。以馬屎燒烟熏之。聖惠治疔腫傷風腫痛。以馬屎炒熱熨之。靈樞椒薑桂酒置馬矢煨中。助一切藥力也。令人以馬屎煨烟熏鼈蟲臭蟲。無不斃者。食馬肉心煩者。飲美酒則解。飲濁酒則劇。

驢 甘溫無毒。綱目作甘涼誤。

發明 驢肉食之動風。脂肥尤甚。日華子言治一切風。是指

烏驢而言。烏驢皮治風補血。東魯阿井水煎膏用之。驢鬃熬

膏能長鬚髮。與馬鬃同功。驢莖強陰壯筋。與白馬莖同功。驢

乳療黃瘰。溼熱止渴。驢尿專於殺蟲。利水止脹。其治壹臍。或

單服。或入四物湯服之。効。驢屎炒熨風腫漏瘡。絞汁主心腹

疼痛。治水腫服五合良。金命

駝峯 甘溫無毒。味雖極美。但能動風。宿有風氣人勿

發明 駝峯八珍之一。味雖極美。但能動風。宿有風氣人勿

食。駝脂摩風去頑皮死肌。取熱氣透肉也。

酪 甘平無毒。

發明 凡牛羊駝馬之乳。並可作酪。南人惟知熱酒冲食。北

人必以熬熟冲茶漿服。大能清胃。不助溼熱。止煩解渴。除心

膈熱悶。潤腸胃燥結。摩腫。生精血補虛損。壯顏色。戴原禮云。乳酪血液之屬。血燥者宜食。較之人乳尤勝。以其無怒火滯毒也。華元化云。蝮蛇入耳。以酪灌入即出。

酥

一名醍醐

甘寒利下無毒。酥酪不可與生魚膾同食。令人腹

肉生蟲。

發明 酥酪醍醐。性皆滑潤。故血熱枯燥之人。咸宜用之。又

傷熱失音。用以通聲最妙。凡炙一切氣血堅勒筋骨藥。俱不可少。但脾胃虛滑者禁用。

阿膠 甘平微溫無毒。辨真偽法。以項有鬃文。極圓整者為

真。折之沉亮。不作屑。不作皮臭。蛤粉炒成珠。經月不軟者為佳。東阿產者。雖假猶無妨害。其水膠入木煤贗造。有傷脾氣。慎不可用。

本經主心腹內崩勞極洒洒如瘡狀腰腹痛四肢酸疼女子下血安胎久服輕身益氣

發明阿井本淄水之源色黑性輕故能益肺補腎煎用烏驢必陽谷山中驗其舌黑其皮表裏通黑者用以熬膠則能補血止血本經治心腹內崩下血安胎為諸失血要藥勞證欬嗽喘急肺痿肺癰潤燥滋大腸治下痢便膿血所謂陰不足者補之以味也

黃明膠

即廣膠

甘平無毒

發明

明膠治吐血衄血下血血淋血痢妊娠胎動下血風

溼走注疼痛打撲傷湯火傷一切癰疽腫毒治血止痛潤燥利大小腸皆取其有滋益之功無滑利之患

牛黃苦平小毒試真假法揩摩透甲其體輕氣香置舌上

先苦後甘。清涼透心者爲真。喝迫而得者名生神黃。圓滑外有血絲嫩黃層多者爲上。殺後取者其形雖圓下面必扁者次之。在角中者名角黃。心中剝得者名心黃。膽中得之名膽黃。則又次之。產西戎者爲西黃。產廣東者名廣黃。

本經主驚癇寒熱。熱盛狂癡。除邪逐鬼。

發明。牛有黃是牛之病也。因其病之在心及肝膽之間。凝結成黃。故還治心及肝膽之病。本經治驚癇寒熱。狂癡邪鬼。皆痰熱所致。其功長於清心化熱。利痰涼驚。安神辟惡。故清心牛黃丸以之爲君。其風中心藏者亦必用之。若中經中府者誤用。引邪深入。如油入麪。莫之能出。宜詳審而用可也。

狗寶。甘苦溫小毒。狀如白石。微帶青色。擊碎其理如蟲白臘者真。



發明 狗寶專治噎膈反胃之病。取苦能下降。溫能開結也。予嘗推廣其用。凡癰疽潰瘍不收。癩狂冷痰積結。無不可用。惟鬱結傷脾。氣血枯槁者。誤投則有負薪救火之厄。

獅油 辛溫有毒。色微黑者真。發明 獅爲百獸之長。性最難馴。一吼則百獸辟易。爾雅言其食虎豹。熊太古言其乳入牛羊馬乳中。皆化成水。西域人捕得。取其油入貢。以供宮人滌除衣垢之用。又能去紙上墨跡。刮少許隔紙熨之。卽脫。予嘗試用。垢雖去而衣易毀。紙易脆。僅供一時之用。雖係方物。方藥罕用。近世醫師以之治噎膈病。蓋噎膈皆鬱痰積所致。用取滌垢之意。試之輒驗。由是方家爭爲奇物。但性最猛利。力能墮胎。孕婦忌用。象油亦能去垢滌痰。但不能去墨跡耳。

虎骨 辛微熱無毒。骨取黃潤者良。若帶青黑色乃藥箭射者。有毒勿用。酥炙黃脆用之。  
發明 虎陰也。風陽也。虎金也。風木也。虎嘯風生。木承金制。陽出陰藏之義。故骨能追風定痛。強筋壯骨。風病變急。骨節風毒。爲之要藥。虎之一身。節節氣力。皆出前足。故膝脛爲勝。而前左脛尤良。以卧必用左脛爲枕也。然按病之前後左右取用。其効尤捷。入陰陽二躋。虎睛定鼻。千金治狂邪。有虎睛湯丸。並酒浸炙乾用。一時不可得。以珍珠煨末代之。總取定魄之用也。虎脂治反胃吐食。新瓦上煨存性。入平胃散末。和勻。空腹白湯服三錢効。虎頭骨治頭風藥中浸酒服。作枕止癩。虎長牙辟邪殺蟲。傅尸方用之。

象皮 鹹溫無毒。

發明 象秉西方金氣。金令主藏。不宜擅鳴。鳴主金象。大非所宜。其皮專於收斂。其肉壅腫。人以斧力刺之。半日卽合。故治金瘡不合者。用其皮煨存性敷之。若入長肉。諸膏藥切片酥拌炙之。象牙甘寒。能解癰腫諸毒。磨水服之。造筋磨礪之末。生蜜調塗。治諸鐵襍物入肉。舊梳刮薄片屑。溫湯頻服。治竹木刺。及諸魚骨鯁。卽時吐出。不吐再服。以吐出爲度。非刮下薄片。不能應手也。

犀角 苦微鹹。大寒。無毒。鎊成以熱手掌摸之。香者爲真。臭者卽假。忌溼鹽烏附。孕婦勿服。能消胎氣。

發明 犀之精靈。皆聚於角。足陽明胃爲水穀之海。飲食藥物必先受之。故犀角能涼血散血。及畜血驚狂。斑痘之證。皆取以通利陽明血結耳。別錄治傷寒溫疫。頭痛寒熱諸毒。枹

朴子云。犀食百草之毒。及衆木之棘。所以能解毒。凡蠱毒之鄉。遇有飲食。以犀筋攪之。有毒則生白沫。無毒則否。宗奭曰。鹿取茸。犀取尖。其精銳之力。盡在是也。其治吐血。衄血。大小便血。犀角地黄湯。爲之專藥。若患久氣虛。又爲切禁。以其能耗散血氣也。痘瘡之血熱毒盛者。尤爲必需。然在六七日灌漿之時。又爲切禁。以其能化膿爲水也。而結痂後。餘毒癰腫。則又不可。惟氣虛毒盛之痘。切不可犯。其性太寒。無大熱邪者。慎不可用。凡中毒箭。以犀角刺瘡中立。愈。又感山嵐瘴氣。射工溪毒。用生犀磨汁服之。卽解。

熊脂

肉

甘溫無毒

本經主風痺不仁。筋急。五藏腹中積聚。寒熱羸瘦。頭瘍白禿。面上疥皯。

發明熊稟雄毅之性。故其脂可開風痺不仁等疾。可服可  
摩。但不可作燈。烟氣薰目。使人不能遠視。本經所主。不出風  
痺筋急之用。風爲陽邪。熊爲陽獸。其性溫潤。能通行經絡。開  
通血氣也。熊筋亦能壯筋強力。與虎骨之搜風壯骨無異。熊  
肉振羸。其氣有餘。癩病人食之。終身不愈。  
熊膽苦寒無毒。試法取少許研滴水中。掛下如線。直至水  
底不散者爲真。其性潔不  
發明。熊膽苦入心。寒勝溼。手少陰足厥陰藥也。其性潔不  
染塵。故能清心平肝。爲時氣熱盛變爲黃阻之要藥。又能殺  
蟲明目。除醫瘡疔痔。蟲牙虻痛。小兒驚癇癩癧。以竹瀝化豆  
大許服之。去心中涎。痔瘡赤腫。水化點之。卽消。凡實熱之證。  
用之咸宜。苟涉虛家。便當嚴禁。

麤羊角

羊解

鹹寒無毒。鎊碎胸前煨熟令脆。研如粉。不則

粘人腸胃。

本經主明目益氣起陰。去惡血注下。辟蠱毒惡鬼。不祥魘寐。

發明 羚羊屬木入足厥陰。伐肝最捷。日暗醫障。而羚羊角

能平之。痘瘡正面稠密。不能起發。而羚羊能分之。小兒驚癇。

婦人子癇。大人中風搖擗。及筋寒。歷節痛。而羚羊角能舒之。

驚駭不寧。狂越魘寐。而羚羊角能安之。惡鬼不祥。而羚羊角

能辟之。惡血注下。蠱毒疝痛。瘡腫癭癩。產後血氣。而羚羊角

能散之。溼熱留滯。陽氣不振。陰器衰痿。而羚羊角能起之。煩

憊氣逆。噎塞不通。鬱為寒熱。而羚羊角能降之。詳本經所主。

皆取散厥陰血結耳。愚按諸角。皆能入肝散血解毒。而犀角

為之首推。以其專食百草之毒。兼走陽明。力能祛之外出也。

故痘瘡之血熱毒盛者爲之必需。若痘瘡之毒并在氣分而正面稠密不能起發者。又須羚羊角以分解其勢。使惡血流於他處。此非犀角之所能也。人但知羚羊角能消目瞽。定驚癩。而散痘瘡惡血之功。人所共昧。殺羊角治青盲目暗。與羚羊角不殊。而辟除邪魅蠱毒亦相彷彿。惜乎從未之聞。惟消乳癖丹方用之。白羯羊角亦能消乳癖。而方家每用琉璃角燈磁片刮取薄屑置胸中候脆杵細酒服方寸匙。屢効。專取宿腐之味以消陳積之殆也。其鹿角刮屑善消虛人乳腫。未潰卽消。已潰卽斂。卽本經主漏下惡血之治。龍角治神魂不寧。功用與龍齒畧同。千金方中有齒角並用者。牛角肥專主閉血血崩。牛之一身惟此無用。而本經特爲採錄。千金尤爲崩漏要藥。可見天地間無棄物也。

山羊血 鹹温無毒。苗人以麋竹通節削鋒利活刺。心血收乾者良。宰取者不堪用。

發明 山羊產滇蜀諸山中。性善走逐。好鬪。肉能療冷勞山

嵐瘴痢。婦人赤白帶下。其心血。網目失載。性温。味鹹。為和傷

散血之神藥。其治跌撲損傷。單用酒服。取醉。醉醒。其骨自續。

每用不過分許。不可多服。雖不傷耗元氣。而力能走散陰血。

然必初患便服。得効最速。若過三五日。血凝氣滯。無濟於治。

矣。但舉世用者絕罕。間有收取而市者。其價重。等於牛黃。且

心血絕不易得。滲血丹用之。真虛勞失血之續命丹也。

鹿茸 甘温無毒。形如茄子。色如瑪瑙者良。紫潤圓短者為

上。毛瘦枯縐。尖長生岐者為下。酥炙酒炙。各隨本方。但不可

過焦。有傷氣血之性。灸後去頂骨用茸。

本經主漏下惡血。寒熱驚癇。益氣強志。生齒不老。

本經逢原卷四 獸部 山羊血 鹿茸 六十一 思得堂藏



發明。鹿是山獸屬陽。性淫而遊山。夏至得陰氣而解角。從陽退之象。麋是澤獸屬陰。性淫而遊澤。冬至得陽氣而解角。從陰退之象。鹿茸功用專主傷中勞絕。腰痛羸瘦。取其補火助陽。生精益髓。強筋健骨。固精攝便。下元虛人。頭旋眼黑。皆宜用之。本經治漏下惡血。是陽虛不能統陰。卽寒熱驚癇。皆肝腎精血不足所致也。角乃督脈所發。督爲腎藏外垣。外垣旣固。腎氣內充。命門相火不致妄動。氣血精津得以凝聚。扶陽固陰。非他草木可比。八味丸中加鹿茸五味子。各十補丸爲峻補命門真元之專藥。傳尸癆瘵。脊中生蟲。習習痒痛。浙浙作聲者。同生犀鼈甲入六味丸中。其殺蟲之力。與天靈蓋同功。近世鹿茸與麋茸罕能辨別。大抵其質粗壯而腦骨堅厚。其毛蒼黧而雜白毛者爲麋茸。其形差瘦而腦骨差薄。其

毛黃澤而無白毛者為鹿茸。鹿茸補督脈之真陽。麋茸補督  
脈陰中之陽。不可不辯。

鹿角膠 甘微鹹溫無毒。河南者味甘溫為上。泊上者味鹹

辛為下。又生取成對者力勝。解下單角力薄。凡角大而毛色

淡白者即為麋角。能補陽中之陰。熬膠法。取角寸截。用長流

水浸三日。刮淨。入黃蠟煮三日夜。乾即添水。三日夜足。去角

取汁重煎。滴水不化。膠成切片陰乾。不可日晒。晒則融化成

冰矣。今市者多者黃明膠。加楮實偽充。不可不察。取嫩角寸

截。置小罈中。酒水相和。益益泥封。糠火煨三伏時。搗細如霜。

名鹿角霜。

本經主傷中勞絕。腰痛羸瘦。補中益氣力。婦人血閉無子。止

痛安胎。久服輕身延年。

發明。鹿角生用則散熱行血消腫辟邪。熬膠則益陽補腎。強精活血。總不出通督脈補命門之用。但膠力稍緩。不能如茸之力峻耳。互參二條經旨。乃知茸有交通陽維之功。膠有緣合衝任之用。然非助桂以通其陽。不能除寒熱驚癇。非龜鹿二膠並用。不能達任而治羸瘦腰痛。非輔當歸地黃。不能引入衝脈而治婦人血閉胎漏。至若膠治傷中絕勞。即茸主漏下惡下也。膠之補寧益氣力。即茸之益氣強志也。膠之輕身延年。即茸之生齒不老也。歷攷別錄外臺千金等方。散血解毒居多。非如近世尚一溫補爲務。殊失聖賢一脉相傳之義。○鹿角霜治火不生土。脾胃虛寒。食少便溏。胃反嘔逆之疾。取溫中而不粘滯也。古方多製應用。今人每以煎過膠者代充。其膠既去。服之何益。○生角鋸尖屑。消乳癰腫毒。○煨

灰行崩中積血。○鹿骨安胎下氣。作酒主內虛。續絕傷。補骨

除風。千金鹿骨丹用之。

鹿胎。味甘溫無毒。其嘴尾蹄合。與生鹿無異者為真。其色淡

形瘦者為鹿胎。若色深形肥者為麋胎。慎勿誤用。能損真陽。

又獐胎與鹿胎相類。但色皎白。且其下脣不若鹿之長於上

脣也。其他雜獸之胎與鹿胎總不相似也。入藥取真者。酥炙

黃用。

發明。鹿性補陽益精。男子真元不足者宜之。不特茸角莖

胎入藥。而全鹿丸合大劑。參耆桂附。大壯元陽。其胎純陽未

散。宜為補養。天真滋益。少火之良劑。然須參耆河車輩佐之。

尤為得力。如平素虛寒。下元不足者。入六味丸中。為溫補精

血之聖藥。而無桂附辛熱傷陰之患。但慎勿誤用麋胎。反傷

天元陽氣也。

麋茸 甘溫無毒。修治與鹿茸同。

發明 麋肉太寒。食之令人陽痿。而麋茸大益陽道。以其陽精都聚於角也。其角煎膠。勝於鹿角。茸亦勝於鹿茸。然鹿之茸角補陽。右腎精氣不足者宜之。麋之茸角補陰。左腎血液不足者宜之。此乃千古微旨。治虛損有二至丸。兩角並用。但其藥性過溫。偏於補陽。非陰虛者所宜。其麋膠主治與鹿膠無異。而兼補陰血之功。過於鹿膠。但驗其角大而毛者。卽是惜乎。本經但言麋脂療癰腫惡瘡死肌寒熱溼痺。四肢拘緩不收。風頭腫氣通腠理。從無及乎茸角之用。彭篋延齡方有麋角粉。千金變爲麋角丸。以麋性喜食菖蒲。故修鍊服食方用之。金匱云。麋脂及梅子。若妊婦食之。令子青盲。男子傷精。

皆性冷。傷厥陰肝經之驗也。

麋鹿肉。麋肉甘寒。鹿肉甘溫無毒。

發明。凡獸之有角者。皆能助肝腎腎力。而麋鹿之角多岐。故力能拒虎。爲角獸之冠。則鹿肉之補陽。麋肉之益陰。所不待言。鹿之一身所稟皆陽。最能益人。人以陽氣爲主也。麋之一身所稟皆陰。惟角爲陰中之陽。較之鹿角純陽無陰倍勝。而週身血肉筋骨皆不足取。鹿肉之生者。主中風口僻不正。剉碎薄貼。僻上。正急去之。不爾復牽向不僻處矣。○鹿血起陰器。止腰痛。療折傷和酒服。治肺痿崩中。諸氣刺痛。飲之立愈。鹿筋大壯筋骨。食之令人不畏寒冷。但須辨骨細者爲鹿。粗者卽是麋筋。悞食多致陰痿。○凡服丹石藥人。勿食鹿肉。以其食百草之毒。善解諸藥之性也。

麋 甘寒無毒

發明 麋之性怯畏人。以其膽白易驚也。其肉雖肥。但能悅澤人面。不能助人膂力。以其善躍而無久常之力也。膽能治人粗豪之氣。若人素常膽怯者。爲之切禁。其骨主虛羸泄精。麋稟偏陰。而骨主精氣也。綱目言其甘溫。安有膽白易驚而性甘溫之理。

麋臍 辛溫無毒不可犯火。妊婦禁用。力能墮胎。令人以荔枝核燒灰。入燒酒拌和充混。不可不察。

本經辟惡氣殺鬼精物。去三蟲蠱毒。溫瘧驚癇。

發明 麋香辛溫芳烈。爲通關利竅之專藥。凡邪氣著人。淹伏不起。則關竅閉塞。辛香走竅。自內達外。則毫毛骨節俱開。從此而出。故本經有辟惡氣殺鬼精物。去三蟲蠱毒諸治也。

其主温瘧驚癇者借其氣以達病所也。嚴氏言風病必先用麝香。丹溪謂風病必不可用。皆非通論。蓋麝香走竅入筋。能通筋竅之不利。開經絡之壅遏。若諸風諸氣諸血諸病驚癇癱瘓諸病經絡壅閉孔竅不利者。安得不用。為引導以開之。通之。惟中風表證未除。而悞用之。引邪入犯。如油入麩。莫之能出。致成痼疾。為之切戒。而救苦丹治壅腫結塊方。用硫黃辰砂入麝煇化。隔紙壓成薄片。以少許灸患處。無不立應。濟生方治食瓜菓成積作脹。及飲酒成消渴者。皆用之。蓋果得麝則壞。酒得麝則敗。此得用麝之理也。

貓 甘酸温無毒

發明 貓捕生鼠。虎嘯生人。大小雖異。稟性不殊。虎嘯風生。而治風痺腫痛。貓聲鼠竄。而主鼠癘寒熱。故肘後方取貓肉。



作羹。消鼠竄結核。已潰未潰皆愈。但助溼發毒。有溼毒人忌之。其頰骨及腦眼。酥炙亦治瘰癧鼠瘻。其毛煨存性。傳瘰癧潰爛。貓尿治蛇螫入耳。滴入即出。以薑擦貓鼻。或生葱刺鼻取之尿。治痘瘡倒陷。臘月取乾者。燒存性用之。貓胞治噎膈反胃。以純陽之性未散。故取以開陰邪之結也。方用丁具。酥炙爲末。入腦麝牛黃鬱金各少許。津唾化服之。予嘗以格致之理論物類。貓之體陽而用陰。性稟陰賊。機竊地支。故其目夜視精明。而隨時收放。善跳躍而嗜腥生。不熟食而能消化。血肉生物。一皆風火用事。得雪水則蠢動。以雪之體陰而用陽。物類相感之應若此。而食江中鱗魚之骨。其胎必隕。按異物志云。鱮是鱮鳥所化。故腹內尚有鳥腎二枚。與雀入淮水爲蛤無異。其肉中細骨如毛。粘腸不脫。而致傷胎。物類感觸。

之應則又如此

狸 甘温無毒

發明 狸之與貓同類異種。以性温散。故其骨炙灰。善開陰

邪鬱結之氣。鼠瘦寒熱。為之專藥。千金以肉治遊風。蘇頌作

臙治鼠瘦。元化取頭骨。千金用陰莖。總取攻毒破結之義。時

珍曰。狸骨貓骨。性皆相近。可通用之。

狼 肉鹹熱無毒

發明 狼脂摩風首推。而本草不錄。亦一欠事。狼肉補五藏

厚腸胃。填骨髓。有冷積人宜食。○狼性追風逆行。故其矢燒

烟能逆風而上。燒灰水服治骨鯁。以其性專逆行。而無阻滯

也

兔 辛平無毒。妊娠忌食兔肉。合乾薑食之成霍亂。

發明 兔無脾。故善走。二月建卯木位。木尅戌土。故無解。其肉性寒。能治胃熱嘔逆。腸紅下血。其腦爲髓之精。性善滑胎。故兔腦丸爲催生首藥。然須臘月取活兔用之始驗。○兔肝明目。目屬肝。稟氣獨勝。且得至陰之精。可救目暗之疾。其屎謂明月沙。又名望月沙。治目中浮翳。痘瘡患眼。但瞳人無損者。用以煨灰存性。日日服之。其腎自退。又方兔屎一味爲末。生雞肝搗爛爲丸。空腹穀精湯服之。腎厚加雞肉。金尤捷。兼治勞瘵五疳痔瘻。殺蟲解毒。黃帝曰。兔肉和獾肝食之成遁尸。

狐陰莖 甘平有小毒。

發明 狐屬陰類。故其莖主女子絕產。陰中癢。小兒陰癩。卵腫。以狐陰善縮入腹也。

水獺肝 甘鹹平小毒

發明 獺者水獸。水性靈明。故其性亦多智詭。性專嗜魚。魚之生氣。都聚於肝。是以獺肝專主傳尸癘瘵。殺蟲之性。與獺之捕魚不殊。蘇頌曰。諸畜之肝。皆有定數。惟獺一月一葉。十二葉間有退葉。斗柄建寅之月。值其氣退之時。反爲諸魚所蝕。月令所謂獺祭魚是也。以其治療有驗。故仲景治冷勞。有獺肝丸。崔氏治蠱症。亦有獺肝丸。孟詵云。症病一門。悉患者。以獺肝一具。火炙。水服。方寸七日。再服之。葛洪言。尸症乃五症之一。病則使人寒熱。沉沉默默。不知病之所苦。無處不惡。積月累年。淹滯至死。死後復傳他人。乃至滅門。覺有此候。惟以獺肝一具。陰乾爲末。水服。方寸七日。三以瘡爲度。如無獺肝。獺爪亦可應用。小兒鬼症。及諸魚骨鯁。皆燒灰酒服。獺肝

之用。當不出乎此也。

山獼莩 甘熱無毒

發明 山獼莩南奧純陽之氣。故其性最嬌。專主陽虛陰痿。

精寒。山中有此。凡牝獸皆避去。獼無偶。則抱木而枯。猗女春

時入山。獼聞婦人氣。躍來抱合。牢不可脫。因扼殺而取之也。

腥膈臍 一名海狗腎

鹹大熱無毒。以漢椒樟腦同收。則不壞。

發明 和劑局方。治諸虛損。有腥膈臍丸。滋陰丸。藥中用之。

精不足者。補之以味也。今人多於房術方中用之。亦可同糯

米法。麴釀酒服。但功專補陽。陰虛切忌。此物牝者最多。而牡

者絕少。海州人捕得牝者。以家狗外腎。用筋縫上。熨貼如生

成無二。然牝戶與穀道連合為一。雖用生筋縫熨。其孔較牡

者大而且長。以此辨之。最為有據。

牡鼠。甘溫無毒。取膽法用活鼠繫定。熱湯浸死。破喉取膽。真紅色者是也。誤食鼠噉之餘。令人發瘦瘡。以貪慾之火。蘊積饒延也。

發明人癸水位在於子。通氣於腎。其目夜明。其精在膽。故膽能治耳聾目盲。睛能明目。骨能生齒。皆益腎之驗。肘後方治三十年老聾。卒聾不過三度。卽愈。令人側卧。瀝膽汁入耳。盡膽一枚。須臾汁從下耳出。初時益聾。十日後乃瘥也。生鼠血。麩青鹽擦牙。宜有效。初生小鼠。香油浸腐化。取塗火燙。効少。水能制壯火也。若生毛則不能消融矣。牡鼠糞。俗名兩頭尖。驗其直者。方是牡鼠之矢。入足厥陰少陰。故灸服治傷寒勞復。陰陽易腹痛。研末服治乳癰。燒灰存性。傳折傷疔腫。所主皆厥陰血分之病。又犬咬先洗去牙堊惡血。用鼠糞炒研。黑

糖調塗即愈

獾皮 苦平無毒。細剉炒黑或酥炙用

本經主五痔陰蝕。下血不止。陰腫痛引腰背。酒煮殺之。

發明 獾者胃之獸也。故肉治反胃胃脘痛最捷。其皮除目

中醫障。本經主五痔陰蝕。取其銳利破血也。酒煮治陰腫痛

引腰背。取筋脈能收縱也。南方金蠶蠱。用獾皮爲末。酒服探

吐之。獾腦獾肝。治療癰狼漏。千金方用之。但不可食其骨。令

入瘦劣。

人部

髮 苦微溫無毒。揀去白者。先用滾水洗淨。入焯成罐外用

鹽泥固濟煨。候內外罐通紅。冷定研末。置地去火毒用。

本經主五癰關格不通。利小便水道。療小兒驚。大人瘰。仍自

還神化。

發明黃髮者血之餘。故能治血病。雖曰補真陰。療驚癇。理欬嗽。固崩帶。止血暈。而實消瘀生新。能去心竅惡血。並煨過服。若煨之不透。反能動血。合雞子黃香油煎之。消化爲水。則治小兒胎驚。及塗癩瘡有效。用入膏藥中。則長肉消瘀。本經治五癰關格不通。利小便水道。皆取其利竅散瘀之功。其療小兒驚。大人瘞。以能達肝心二經。開通瘀血之滯也。仍自還神化者。言服自己之髮。則勝用他人之髮也。但胃虛人勿用。以其能作嘔瀉也。亂髮功用。與此不殊。而剝下者尤勝。取長之速也。小兒胎髮煨灰。大解胎毒。而補先天血氣。以純陽未離也。

頭垢 鹹苦温小毒



發明 頭垢乃相火之餘氣結成。專開鬱結之氣。乳癰初起。煨灰酒服卽消。以其善祛胃中積垢也。

人乳汁 甘鹹平無毒。

發明 乳汁治目之功甚捷。目得血而能視。乳卽血之源也。用以點眼。豈不相宜。老人服食尤良。但脾虛易瀉者勿食。日中曝乾。入參苓丸服。尤爲合宜。

瓜甲 甘鹹小毒。

發明 瓜乃肝氣之餘。其性銳利。故能催生下胞衣。利小便。治尿血。及陰陽易病。破傷風。去目翳。刮末治鼻衄。啗之立止。又能治乳蛾。用瓜指甲不拘多少。煨爲末。蓬砂白礬各一錢。西牛黃一分。烏梅白梅肉各五枚。共搗如泥。含彈大一丸。痰大湧出。三四丸卽愈。但其方酸收太速。不無萌發之患。莫若

探吐頑痰。迅掃病根爲愈。

人牙 甘鹹熱有毒。

發明 牙乃腎之標。骨之餘。痘瘡倒靨。用人牙散。因痘瘡爲風寒穢氣所觸。而變黑倒靨。用此煨灰。以酒麝達之。竄入腎經。發出毒氣。乃切劑也。若伏熱在心。昏冒不省人事。及氣虛色白。癢塌不能作膿。熱沸紫泡之證。正宜涼血解毒。苟誤用之。則鬱悶聲啞。反成不救。臨證審諸。

人中黃 甘鹹寒無毒。造法用大竹截段兩頭留節。削去外皮。傍鑽一孔。用甘草細末。入滿於中。以蕉扇柄削圓塞孔。冬至浸太糞池內。立春後取出。懸風處。眼乾取用。又法如前製。竹不入甘草。但用蕉扇柄或杉木塞孔。浸糞池中。以取其汁。與金汁無異。僅供一時取用。不能久藏。糞清亦解瘟熱諸毒。

又慎食毒菌。楓樹上菌。及過食銀杏。脹閉欲死者。悉能解之。并解砒石野葛野芋等毒。卽家芋二年不收。花開如蓮者。亦能殺人。急取灌吐。方可得生。

發明 人中黃取糞土之精。以解天行狂熱。溫毒發斑最捷。然汁則性速而能下泄。甘草製者。則性緩而能解毒。兼治河豚菌毒。一切惡瘡災病。用人中黃酒大黃末等分。無灰酒服。須臾瀉利。毒卽隨出。雖大渴不可飲水。飲水則毒邪不散而難救也。急切不可得。以糞坑堊代之。

金汁 苦寒無毒。臘月取糞。置罈中。埋土內。越三年。取出如冰者是。

發明 金汁得土氣最久。大解熱毒。故溫熱時行。昏熱勢劇者。用以灌之。下咽其勢立減。初生小兒。過時內毒邪不散。服

一二合。勝化毒丹。胎毒盡解。無痘疹患。此屢驗者。但胎稟虛寒。體瘦色白者。不可誤用。誤用反奪天真。多致夭枉。不可不審。園叟用以灌諸草木。卽花葉茂盛。且無過壅傷花之患。

乾糞灰

鹹平無毒。

發明 人屎取乾者煨灰。治小兒痘瘡黑陷。解時行大熱狂走。蜜調塗疔腫。拔毒出根。總取解毒之迅耳。

溺 鹹寒無毒。童子者佳。不可見火。見火則腥臊難服。

發明 人溺療寒熱頭疼。取其鹹寒降泄也。有客邪。沖熱葱

頭湯服之。汗出卽止。而童子小便性純。一切熱勞吐血。陰虛火動。骨蒸勞瘵。用以降火最速。產後血暈。溫飲一杯。壓下敗血惡物卽穌。蓋洩溺滋陰降火。消瘀血。止吐衄諸血。每用盞許。入薑汁一二匙。徐徐服之。久自有効。然須乘熱服之。以接

生陽之氣冷則生氣散矣。時珍云。童便入胃。隨脾氣上歸於肺。通調水道。下輸膀胱。乃其舊路也。故能清肺導火下行。若多服久服。亦能損胃滑腸。故食少便溏者禁用。傷寒少陰證下利不止。厥逆無脈。乾嘔欲飲水者。加人尿豬膽汁。鹹苦寒物於白通湯。薑附藥中。其氣相從。可無格拒之患。但胃虛欲作嘔者。勿與。恐助嘔勢。反致不測也。

溺白堊

卽人中白

鹹平無毒。煨過用。

發明

人中白能瀉肝火。勝膀胱火。從小便中出。蓋膀胱乃其

故道也。令人病口舌諸瘡。用之有效。降火之驗也。但積垢之滓。僅堪滌熱。畧無益陰之功耳。

秋石 鹹溫無毒。陰煉。按右法。將大缸一隻。近底三寸許。

艾火燒三十餘炷。打成一孔。杉木塞之。秋月取童子溺入缸。

內。衝河水攪澄定。去木塞。放去上水。每日增童便河水。如前攪之。只留缸底者。積至月餘。用絹篩。襯紙瀝乾收之。○又陰收秋石法。將鉛毬大小數十枚。俱兩片合成。多鑽孔眼。入尿桶中浸。每日傾去宿尿。換溺浸之。經秋收取。置鉛罐藏之。此爲最勝。○陽煉秋石。將草鞋數百隻。舊者尤佳。長流水漂晒七日。去黃色。浸尿桶中。日晒夜浸。一月許曝乾。烈日中燒灰。須頻搥撥令燒盡。滾湯淋汁澄數日。鍋內燒乾。重加雨水煮溶。篾箒襯紙數重。濾淨再澄。半月餘。銀缶器內煮乾。色白如霜。鉛罐收之。○又陽煉法。以童子小便。入鍋熬乾。其鍋先燒通紅。香油熬過洗淨。則不粘滯傷鍋。初如油脚。入煬成罐。或小鐵釜中。煨通竅。用熱水溶化。置有嘴壺中。將草掩塞壺口。徐徐傾出。下以竹箒。襯紙濾清。再以文火收乾。鉛罐收之。則

不溶化。○又煉秋冰法。以秋石入秋露水。煮化入陽成罐內。  
新鐵蓋蓋定。鹽泥固濟。昇打三炷香。取出再研。如前昇打。蓋  
內用水徐徐塗之。水不可多。多則不結。又不可少。少則不昇。  
從辰至未。退火冷定。蓋上昇起者爲秋冰。乃秋石之精英。真  
虛羸之神丹也。○凡人力製造之藥。每多僞充。而秋石之真  
者。尤不易得。有以食鹽濾水。煮成者。有以朴硝溶化。製造者。  
有以焰硝煇化。傾成錠式者。其僞不一。苟非僱庸督製。總難  
輕用也。試真僞法。入滾豆腐漿中。不結腐花者爲真。若結者  
卽鹽之僞充也。入口令人作渴。入滾豆腐漿中。起水紋而微  
苦者。卽玄明粉之僞充也。入腹令人作瀉。其傾成錠式。入熱  
水。不易化者。卽焰硝之僞充也。下咽令人發熱。又以秋石化  
水。入青菜葉。有頃色不萎者爲真。又以少許。置紙上。煇痛者。

必真無疑。其淡秋石入滾水不化者。卽熟石膏末。及滑石末混充也。

發明 秋石以秋命名。專取秋氣下降之意。他時製者。功力則殊。製法以童溺煅煉。去其鹹寒。轉成溫補。能滋陰降火。而不傷胃。補益下元真火。散瘀血。助陰精。降邪火。歸真陽。止虛熱。嗽血。骨蒸勞瘵之仙品也。火盛者宜生宜淡。陰虛者宜熟宜鹹。凡勞瘵陰火亢極。而不受參耆補益者。立秋石丸三方。次第施治。或服或噙。則喘欬氣息漸平。痰亦易出。嗽亦省力。以其性味鹹降。而無上逆之患也。先用韭汁炒黑大黃淨末。與秋石等分。煮紅棗肉爲丸。空心服三錢。清熱散血。次用貝母秋石末各等分。生甘草末減半。仍用紅棗肉爲丸。服之以止嗽消痰。後用人參秋石等分。炙甘草末減半。亦棗肉丸。以



補氣安神。製劑之多少。隨癆熱元氣而施。不可限以分兩。其陰煉淡者。性最下滲。苟非陰分熱極。難以輕投。陰虛多火。小便頻數。精氣不固者。誤服。令人小便不禁。甚則令人夢泄。其鹹者可代鹽。蕪物食之。喘欬煩渴。不得寐者。以半錢匙。衝開水服之。卽得安寐。覺時滿口生津。亦不作渴。補陰之功可知。陰煉淡秋石。治夏暑熱淋。小便不通。及濁淋沙石淋肉淋。老人絕慾太早。小便淋瀝瀉痛。一服卽効。

紅鉛。鹹大溫無毒。卽室女初通經。水中之結塊。如櫻桃者。是也。

發明。紅鉛流穢之餘。其性大熱。峻補命門。淫火。陳酒服一枚。少頃蒙昧如醉。若連服二枚。則邪火內拒。令人暴亡。壯火食氣之驗也。

天靈蓋 鹹溫小毒。制法以香水滌淨。酥炙杵細入藥。或煎酒。或煨末。隨證取用。忌鐵器。

發明 腦爲髓海。諸陽之會。能辟一切陰邪不正之氣。故曰

天靈。凡人身中氣血安和。諸邪不能侵犯。陰陽乖戾。則屍疰之氣。得以乘虛襲入。是卽察蟲之根氣也。若其人平昔陽衰。則蟲攻脊脈。脊中淫淫作癢。隱隱作痛。轉側不能自安。或時漂漂畏寒。或時翕翕發熱。手足四末常清。脈來弦細乏力。非天靈蓋散不能療之。若其人素稟陰虛。則蟲蝕藏府。胸中嘈雜如饑。默默不知所苦。無處不苦。動則時欬時嘔。靜則善寐善忘。面上忽時烘熱。脈多弦勁搏指。此屬微肝丸證。非天靈之所宜。其天靈散方。用炙淨三指大一片。赤檳榔三枚。白甘遂麝香真安息各三分。阿魏二分。辰砂一分。搗羅爲散。桃枝

煎湯。五更調進一服。約人行十里頃。蟲不下。再進一服。天明  
進第三服。取下蟲物。急擒入油鐺熬之。其蟲嘴黃赤者。可卜  
病人血氣未艾。治之可愈。青黑白者。血氣已竭。治之難已。然  
亦得斷傳染之患。凡修合勿令病人知。擇僻淨處。忌雞大婦  
人孝服者見。蟲下後。忌肥鮮及鹽半月。白粥調養漸安。如病  
久不勝。甘遂阿魏等攻逐。只以天靈蓋香水滌淨。仰置銀缶  
器內。盛以醇酒。隔水煮一官香。酒耗旋添。候一炷香足。取酒  
服之。少頃頭旋顛脹。瘵蟲隨嘔吐出。卽以燼火燎之。將養三  
日後。取前蓋骨製服如前。蟲盡。卽以蓋骨仍埋舊處。其炙淨  
細末。并治小兒痘瘡灰白。陷伏不長。煩躁不寧。酒服四五分  
卽起。然皆不得已而用之。至於傳下部疳。入枯痔散。乃以人  
之至高之骨。置之汚下不潔之處。雖極其神驗。殊非仁人君

子之用心。舍此豈無他藥可治乎。

人胞 即紫河車

甘鹹溫無毒。取厚小色鮮者。挑去血絡。漂淨血

水。入椒一握。沸湯泡去腥水。以蜂蜜和長流水。於舊錫器內。

隔水文火煮爛如糜。綿絞去滓。代蜜糊丸。藥良。

發明 紫河車稟受精血結孕之餘液。得母之氣血居多。故

能峻補管血。用以治骨蒸羸瘦。喘嗽虛勞之疾。是補之以味

也。自丹溪極言其功。而吳球創大造丸。雖世所推重。然方中

生地黃蘖。天冬麥冬龜版一派滋膩。傷胃之品。雖有人參一

味。反助郡陰之勢。服之每致傷中嘔泄。未見其可。惟永類鈴

方。河車丸方。用人胞一具。山藥二兩。人參一兩。茯苓五錢。酒

糊為丸。近世改用鮮者。隔水煮搗作丸。尤為得力。即虛人服

之。未嘗傷犯胃氣。

五 鹹潤微涼無毒。臘月取紫河車。置有蓋瓦罐內。深土中。臨用取出。不可留久。久即乾矣。或與生甘草草末同入罐中。埋於土中。三五年後掘出。即為藥也。

發明 胞衣之性本熱。而得土氣之化。善能攝火歸元。小兒丹毒。諸熱毒發。寒熱不歇。狂言妄語。頭上無辜髮豎。虛痞等證。天行熱疾。咽痛。及虛勞咽痛。飲之立効。反胃久病。飲一鍾。當有蟲出。

初生臍帶

發明 臍帶者。人之命帶也。用以煨末。入硃砂少許。蜜水調服。以解本嬰之胎毒。與內傷之用骨灰無異。

胎元 鹹大溫小毒。

發明 胎元雖墮下胎息。淫火未離。天真未剖。較河車之性

倍甚。古方鮮用。惟金剛丸用之。雖以入補人。然獸相食。凡人惡之。况人食人。能無惻怛之念乎。

原卷之四終